

張氏醫通

張氏醫

卷之九

長洲石頑張 琳路玉文纂述

男

登誕先

倬飛鸞

叅訂

癰疽一科自有專擅其術者以是手輯醫通徧畧
此門然有兼患內證瘍醫不能措指者因取靈素
金匱明之新甫等數條列之本門諸凡治例未遑

遍述庶免瘳環同類之謂云

靈樞天血脈營衛周流不休上應星宿下應經數
寒邪客於經絡之中則血泣血泣則不通不通則衛
氣歸之不得復反故癰腫寒氣化爲熱熱勝則肉腐
肉腐則爲膿膿不瀉則爛筋筋爛則傷骨骨傷則髓
消不當骨空不得泄瀉血枯空虛則筋骨肌肉不相
榮經脈敗漏熏於五藏藏傷則死矣癰發於喉中名
曰猛疽猛疽不治化爲膿膿不寫寒咽半日死其化
爲膿者寫則合豕膏冷食三日而已發於頸名曰天

疳其癰大以赤黑不尋治則熱氣下人淵液而傷任
脈內熏肺十餘日而死矣。易習大發消腦留項名
曰腦爍其色不樂項痛如刺以針刺心者死。發於肩
及臑名曰疵癰其狀赤黑急治之此令人汗出至足
不害。五藏癰發四五日遲治之發於腋下赤堅者名
曰米疽治之以硃石欲細而長疎砭之塗以豕膏六
日已勿裏之其癰堅而不潰者爲馬刀挾癰急治之
發於胸名曰井疽其狀如大豆三四日起不早治下
入腹不治七日死。發於膺名曰肝疽色青其狀如穀

實。藟藟常苦寒熱。急治之。去其寒熱。半歲死死。後出
膿。發於脇。名曰敗疵。敗疵者。女子之病也。灸之。其狀
大癰。膿治之。其中乃有生肉。大如赤小豆。刈陵藎草
根。各一升。零陵連翹根各一升也。以水一斗六升。煮之。取
三升。則強。厚衣坐於釜上。令汗出至足。已。灸於股脛。
名曰股脛疽。其狀不甚變。而癰膿傳骨。不急治。三十
日死。發於尻。名曰銳疽。其狀赤堅。大急治之。不治。三
十日死。發於股陰。名曰赤疽。不急治。六十日死。在兩
股內。不治。十日當死。發於膝。名曰疵。其狀大羸。色

不變寒熱如堅石勿石石之者死。顙其柔乃石之者
生。諸癰疽之發於節而相應者不可治也。發於陽者
百日死。發於陰者三十日死。發於脰名曰兔齧其狀
赤至骨急治之不治害人也。發於內踝名曰走緩其
狀癰也。色不變數石其輪而止其寒熱不死。發於足
上下名曰四淫其狀大癰不急治百日死。發於是傍
者名曰厲癰其狀不大初如小指急治之去其黑
者不消輒益不治百日死。發於是指名脫癰一名其
狀赤黑死不治不赤黑不死不衰急斬之不則死矣。

營氣稽留於經脈之中則血泣而不行不行則衛氣從之而不通壅遏而不得行故熱大熱不止熱勝則肉腐肉腐則爲膿然不能陷骨髓不爲焦枯五藏不爲傷故命曰癰熱氣深甚下陷肌膚筋骨枯內連五藏血氣竭當其癰下筋骨良肉皆無餘故命曰疽疽者上之皮夭以堅上如牛領之皮癰者其皮上薄以澤此其候也○病有形而不痛者陽之類也無形而痛者陰之類也無形而痛者其陽完而陰傷之也急治其陰無攻其陽有形而不痛者其陰完而陽傷之

也。惡治其陽無攻其陰。陰陽俱動。年有平。年無形。加
以六氣。命曰陰勝其陽。此爲不表不裏。其形不久。○
身有三部。伏鬼一。脾二。胃三。五藏之俞四。
項五。此五部有癰疽者死。○真怒不測。飲食不節。陰
氣不足。陽氣有餘。營氣不行。乃發爲癰。陰陽不相通。
兩氣相持。乃化爲膿。○其白眼青黑。眼小。是一逆也。
兩目而睞。是二逆也。腹痛滿甚。是三逆也。有項中不
便。是四逆也。青頸色脫。是五逆也。除此五者爲順矣。
素問曰。高梁之變。足生大丁。受如持虛。○汗出見溼。

乃生癰。○營氣不從逆於肉理，乃生癰腫。○氣傷
痛，形傷腫。先痛而後腫者，氣傷形也；先腫而後痛者，
形傷氣也。

全曰：云諸浮數脈，應當發熱，而反洒淅惡寒；若有痛
處，當發其癰。師曰：諸癰腫，欲知有膿無膿，以手掩腫。
上熱者爲有膿，不熱者爲無膿。

發熱而脈見浮數，證脈相應也。脈見浮數而反洒
淅惡寒，是火鬱不得發越。若有痛處而飲食如常，
必發癰腫之候。腫熱未甚，尤可消散。腫熱已劇，癰

膿已成。後世用溼紙貼腫上候其癰腫之頭亦不出乎此意。

浸淫瘡。從口流向四支者可治。從四支流來入口者不可治。

浸淫瘡黃連粉主之。方缺

病機機要云。癰癰者結核是也。或在耳後。或在耳前。或在耳下。連及頤頤。或在頤下。連缺盆。皆謂癰癰。或在胸之側。或在兩脇。皆謂之馬刀。手足少陽土之此本膏梁丹毒火熱之變。因虛勞氣鬱所致。止宜仙形。

氣調經脈。其瘡當自消。蓋不待汗之下之而已也。其
不詳脈證經絡受病之異者。下之先犯病禁。經禁故
致失手。且有兼痰兼氣兼血兼陰虛等證者。病本不
同。治當求責。○瘡瘍者。火之屬。須分內外。以治其本。
內之外者。其脈沉實。發熱煩躁。外無焮赤。痛深於內。
其邪氣深矣。故疏通臟腑。以絕其源。外之內者。其脈
數。焮腫在外。形證外顯。恐氣絀而促。內故先托裏也。
內外之中者。外無焮惡之氣。內亦藏府宜通。知其內
經當和營衛也。用此三法之後。雖未愈。必無變證。亦

可使邪氣峻減而易愈

外科精要云熱發於皮膚之間浮腫根小至大不過二三寸者爲癰六府積熱騰出於肌肉之間其發暴盛腫皮肉光軟根脚廣大爲癰五藏風毒積熱攻焮肉骨風毒猛暴初生一如蓐雷形白焦枯觸之應者乃疽也夫五善七惡者動息自寧飲食知味一善也便利調勻二善也膿稠腫消不臭三善也神采精明語聲清爽四善也體氣平和五善也煩躁時嗽腹痛渴甚或泄利無度小便如淋一惡也膿血大泄腫焮

尤甚。膿色敗臭。痛不可近者。二惡也。喘穢短氣。恍惚嗜卧。三惡也。目視不正。黑睛緊小。白睛青赤。瞳子上視者。四惡也。肩背不便。四肢沉重。五惡也。飲食不下。服藥而嘔。食不知味。六惡也。聲嘶色敗。唇鼻青而目四肢浮腫。七惡也。五善見三則瘥。七惡見四則危。然則病有源同。七惡者。乃皮緊急而知善也。病有源同。五善者。乃皮緩虛而知惡也。是豈凡醫所知哉。凡人初見發背。欲結未結。赤熱腫痛。先以淨紙覆其背。立觀候之。其紙先乾處。卽是結癰頭也。取大蒜切

成片如三錢厚。薄安於頭上。用大艾炷灸之三壯。卽換一蒜片。痛者灸至不痛。不痛者灸至痛時方佳。最要早覺。早灸爲上。一日二日十灸。十活。三日四日六七活。五六日三四活。過七日則不可灸矣。若有十數頭作一處生者。卽用大蒜研成膏。作薄餅鋪頭上。聚艾於蒜餅上燒之。亦能活也。背脊上初發赤腫一片。中間有一片黃粟米頭子。便用獨蒜切去兩頭。取中間切三錢厚。正安瘡上。著艾灸十四壯。多至四十九壯。此謂癰疽初發。宜灸之也。然諸瘡患久成漏者。常

有膿水不絕。其膿不臭。內無生肉。尤宜用附子浸透。切作大片。厚三二分。於瘡著。楚髮之。仍服內托之藥。隔二三日再灸之。不五七次。自然肌肉長滿矣。至有膿水惡物漸漬。根深者。郭氏用白麪硫黃大蒜三物。一處搗爛。看瘡大小。捻作餅子。厚約三分。安瘡上用。艾灸二十一壯。一灸一易。灸後四五日。方用挺子紐入瘡內。去肉盡去。好肉長平。然後貼收斂之藥。內服應病之劑。調理卽瘥矣。蓋不止宜灸於瘡之始發也。惟發於頭腦者。皆不可灸頭。諸陽之會。灸之反助。

其火毒耳

腫瘍。薛立齋曰。腫瘍者。以瘡瘍未潰而言也。經云。形傷。痛氣傷。腫。又云。營氣不從逆於肉裏。乃生癰腫。皆因膏粱厚味。七情陰火。或炙搏甘美。積毒氣血。不和所致。當分其經絡所屬。五藏相勝。與元稟虧損。預爲審用。攻補調和之劑。速令散潰。尤當審其勢之腫漫。色之赤白。與痛有微甚。若有表裏。若腫高。焮痛。便利調和。邪在表也。宜表散之。腫硬痛深。大便秘滯。邪在內也。宜下之。外無拘急。內則便利。調和者。邪在經

絡也。宜調營衛。腫焮大痛。或麻木不痛。邪氣凝滯也。外用隔蒜灸。內服活命飲。或歸耆飲尤効。無問何部分。但赤腫者必消。若煩躁飲冷亦痛發熱。二便不通者。火熱內熾也。用四味清涼飲。或活命飲加大黃尤善。若微腫微痛。或不痛。陽氣虛弱也。參耆內托散微點微赤。或不赤。或惡寒而不作膿。或膿熟而不潰者。陽氣虛寒也。並用千金托裏散。如此則未成者自能消。已成者自能潰。尤當別其屬陰屬陽。或半陰半陽。而治之。若泥於腫瘍禁用辛熱之說。不分受證之因。

兼證之經。槩行敗毒。泛擾諸經。誅伐無過。以致不能
起發。或不能潰腐收斂。變證莫能枚舉。癰疽論云。腫
瘍內外皆難。宜以托裏表散爲主。但見腫痛。參之脈
證。虛弱。便與兼補。氣血無虧。可保終吉。若腫瘍之際。
治失其法。必致潰瘍之變證。此推內經之微旨而生
平之徵驗者。尤當觸類而長。思奚庸贅。

潰瘍。潰瘍者。以瘡瘍膿潰而言也。膿潰而腫消痛
止者。爲順。若膿潰腫痛。或發寒熱者。氣血虛也。十全
大補湯。膿潰欲嘔。少食。脾胃虛弱也。六君子加炮薑。

手足並冷者。脾氣虛寒也。六君子加薑桂。不應急加附子。膿潰而仍痛。或二便秘滯者。熱毒未解也。清熱消毒湯。熱退而渴不退。津液不足也。八珍加黃耆麥冬。山茱萸。熱止而小便頻數。腎虛也。加減八味丸料。若熱不止。或腫痛反甚。虛熱內作也。保元湯加清心涼血之劑。或熱退而肌肉不生者。氣血俱虛也。十全大補湯。瘡色天白。或陷下不斂。寒氣所襲也。五味異功散。佐以豆豉餅。膿血過多。煩躁不安。乃亡陽也。急用獨參湯。尤當審其腫之軟硬。飲食冷熱。與膿之稠。

經多少肉之赤色青黯及瘡口之收斂遲速而投托裏消毒之劑庶無變證癰疽論云潰瘍內外皆虛宜以托裏補接為主蓋潰瘍之變證由於腫瘍之除治失其宜虧損元氣所致治者可不慎歟

作痛不止。瘡瘍作痛當審邪之所在證之所因如寒者溫之熱者清之在表也人參敗毒散便秘而痛邪在裏也清熱解毒湯加白蜜腫嫩而痛血凝滯也活命飲作膿而痛者托裏消毒散排膿脹而痛者鍼之膿潰而痛者補之氣虛而痛四君子加歸耆血虛而痛四

物湯加參耆大抵形傷痛氣傷腫不知此數者徒以乳香沒藥爲止痛之方則非所以爲法矣仍審五藏相勝相兼之證而治之後倣此

作嘔不止○丹溪云腫瘍時嘔當作毒氣攻心治之潰瘍時嘔當作陰虛補之此論其常耳如腫赤炊痛而嘔者無毒甚也活命飲作膿而嘔者血氣虛也六君子加歸耆便秘而嘔者熱在藏也清熱消毒湯去生地金銀花加檳榔木香寒藥服多而嘔者胃氣傷也六君子加枳梗柴胡有肝氣乘脾而嘔者胃虛

停痰而嘔者有鬱結傷脾而嘔者皆由脾胃虛弱毒
氣滯聚治宜調補中氣則正氣復而邪氣去矣

出血不止○瘡口出血有因五臟相勝陰陽不調而
血不止者有因六淫七情之氣不平而血妄行者若
因肝火內動四物加山梔丹皮肝經血虛六味丸心
虛不能統血四物加參朮丹皮酸棗仁脾虛不能統
血四君子加山梔丹皮脾虛鬱滯歸脾湯脾肺氣虛
補中益氣湯氣血俱虛十全大補湯腎氣不足而肝
火內動六味丸梔子清肝散加五味大凡失血過多

而見煩熱發渴等證。勿論其脈不問其證。急用獨參湯以補其氣。經云血生於氣。苟非參耆歸朮甘溫之藥。決不能愈。若發熱脈大者多不治。

肌肉不生。○肌肉乃脾胃所生。收斂皆氣血所主。二者相濟以成者也。若肌肉不生而色赤。血熱也。四物加山梔丹皮。肺熱內熱血虛也。四君子加歸地丹皮。脾水清稀。氣血虛也。十全大補湯。食少體倦。脾氣虛也。補中益氣湯。煩熱作渴。起居如常者。胃熱也。竹葉黃耆湯。煩熱作渴。小便頻數者。腎虛也。六味丸。肉腐

而不潰者烏金膏若肉潰而不斂者六君子湯外用珍珠散敷之。吳穢脈洪大而作渴乃真氣虛而邪氣實也。此爲難治。大凡瘡瘍久而不愈者皆元氣不足或因邪氣凝滯於患處。苟能調補脾胃則元氣自足元氣既足則邪氣自消。死肉自潰新肉自生而瘡自斂矣。若不保其本而槩敷生肌之劑是反助其邪。後更潰爛耳。

發熱不止。○瘡瘍發熱。初患乃毒氣所熾。已成乃內熾作膿。已潰乃血氣虧損。不可槩行收毒以傷元氣。

蓋未成者當分邪之在表在裏將成者當分邪之可
攻可補已成者當分膿之作與未作膿已成者當分
膿之淺深高漫膿已潰者當分痛之止與不止若作
痛而發熱者活命飲作膿而發熱者托裏消毒散膿
出而發熱者八珍加黃耆午前發熱者陽氣虛也補
中益氣湯發熱作渴小便頻數者腎氣虛弱也加減
八味丸膿血多而熱者陽無所附也十全大補湯日
將脯而熱者氣血虛也八珍湯若無寐而熱者內補
黃耆湯煩躁者血脫也當歸補血湯自汗而熱者胃

氣虛也。四君子湯惡寒發熱者，肺氣虛也。補中益氣湯或四君子加黃耆當歸，亦有五藏相勝夾食夾寒六淫七情所致者，不能備述。臨證詳之。

大便不通。○瘡瘍大便不通，初起則審所致之因，所見之證而行內疏外表之法。已潰則分氣血虛實傳變之證，而用托裏滋補之法。不可泛用苦寒疎導之劑。恐復傷真氣。則腫者不能消散，成膿潰者不能生肌收斂。故丹溪云：腫瘍內外皆壅，宜托裏表散為主。潰瘍內外皆虛，宜托裏補接爲主治者，審之。

小便不通。○瘡瘍小便不通其因不一。當分經絡虛實而藥之。若潰而惡寒發熱氣血虛也。八珍湯。手足冷陽氣虛寒也。四君子加炮薑升麻。手足不冷乃脾氣虛弱也。四君子加升柴半夏。寒熱往來氣血虛也。十全大補湯。大便秘了而不了脾氣虛而下陷也。補中益氣湯。切不可輕用疎導之劑。復傷元氣。致腫者不能復起。發腐潰潰者不能生肌。收斂須臨證制宜。而治庶無誤矣。

作渴不止。○瘡瘍作渴。當分經絡所屬及血氣虛實。

而治若燉痛發熱便利調和者邪在表也清熱消
湯腫痛發熱大便秘滿者邪在裏也涼膈散燉痛
盛邪在經絡也活命飲右關脈洪數有力胃火消
津液也竹葉石膏湯右關脈數無力胃虛津液短少
也補中益氣湯飲食失度胃氣內傷而止津液者
苓白朮散膿血出多而氣血虛弱者八珍湯加五
稟腎不足而津液短少者加減八味丸餘當臨證
宜。

自汗不止○瘡瘍潰後多汗衛虛元氣外泄大補

宜其稟質肥盛者。淫熱外泄。猶無大患。若形槁色枯。胸中多氣。血液衰少者。乃火熱亢極。爲害彌甚。故道肥盛之人。潰瘍多汗。則宜托裏消毒散。加減氣虛形盛者。則宜六君子爲主。酒客則加麝銜澤瀉之屬。形瘦之人。潰瘍多汗。則宜保元湯。加歸芍。或生料六味。加棗仁。救其津液。庶免火氣內燔。咽燥噎塞。煩擾喘欬之患。大抵潰瘍多汗。一切苦寒傷胃。膩滑奪食。辛熱耗氣之藥。皆當切禁。

下痢不止。○癰疽潰久。瘡口不收。膿水清稀。而見泄。

利驚澹皆爲脾氣衰弱之候。理中補中四桂六桂二神四神並可選用。如下痢白沫此脾氣下陷。補中益氣加薑桂吳萸木香之類。若見膿血下滯。須詳血色之鮮晦。鮮者則宜連理湯之薑連並進。以和其中。晦者則宜理中湯稍加桂附以溫其下。赤白兼下如瑪瑙色者亦宜上法。倘數服不應。又當補中益氣加辛溫之品。兼升舉其陽。若下利清血則加茜根烏鰂骨烏梅白芍。苟非夏秋溼熱下注。則黃連厚朴枳殼檳榔澤瀉等藥皆爲戈戟也。

敷寒涼藥。○瘡瘍敷藥當分陰陽虛實而用內治之
法不可槩敷寒涼之藥。若腫痛熱渴脈滑數有力其
證純陽宜內服解毒之劑。外敷寒涼之藥則熱毒自
消。瘀滯自散。若似腫非腫似痛非痛似赤非赤似潰
非潰脈洪數無力者證屬半陰半陽宜內服助胃托
裏兼行解毒。外敷寒涼藥中兼辛熱藥一分則營逆
自從血鬱自散。若微腫微痛色黯堅硬肉色如故久
而不潰脈按之沉細舉指虛浮者其證屬陰宜內服
回陽之劑。外敷辛熱之藥則陰毒自解陽氣自復。凡

陽氣虛寒不能消散腐潰或潰而腫不消口不斂者
必內服溫補藥外用生肌手摻瘡口則反肉自去新
肉方生若陰寒之證而用寒涼之藥則腠理閉寒氣
血凝滯毒氣益深其肉反死瘡口不斂惡證蜂起不
可復救矣蓋治瘍必求其本假如腫痛熱湯大便秘
結者邪在內也疏利之腫嗽作痛寒熱頭疼者邪在
表也發散之。歛腫痛甚者邪在經絡也和解之。漫腫
微痛而不潰者血氣虛弱也急補托之色黯微痛而
不潰或潰而不斂者陽氣虛寒也溫補之如是則五

藏自和六府自調。氣血自生。瘡毒自解矣。

用刀鍼法。瘡瘍用鍼。當審經絡表裏之虛實。部分肌肉之厚薄。而施之。夫腫高而輒者。發於血脈也。腫硬而堅者。發於肌肉也。肉色不變者。發於骨也。瘡未成者。解散以消其毒。已成者。托裏以速其膿。膿已成者。當驗其生熟淺深。而後鍼之。以指輕按。硬痛者。膿淺也。重按方痛者。膿深也。按之不起者。膿未成也。按之卽痛者。膿已成也。若膿初生而卽鍼。則腐潰益深。而不能收斂。若瘡深而鍼淺。則內潰不出。外血反傷。

若瘡淺而鍼深則其膿雖出良肉亦傷蓋瘡之證氣血已傷肌肉已壞當隨決其毒不可拘泥人神部分其膿一出諸證自退若膿出反痛或膿膿逆者皆胃氣虧損急宜托裏調補凡膿已成者急剝去以紙然蘸油紙瘡內以膏藥貼之如瘡反覆未痊多是厚味七情火動而然當審所因而調治亦有膿清不飲乃胃氣虛弱之故又當兼飲食調補之若小兒患瘡腫藥中加漏蘆令母服之乳中藥過兒瘡自愈陳鏡仁曰腫瘍初起頂高根活色赤發熱焮腫疼痛

日漸高腫者順。已成焮腫。皮薄光亮。飲食如常。二便調勻。身溫和者順。已潰膿稠。色鮮不臭。腐肉自脫。焮腫易消。身輕者順。潰後膿厚稠黃。新肉易生。瘡口易斂。食飲漸進者順。初起頂平根散。色黯漫腫。不熱不疼。身體倦怠者逆。已成腫堅。色紫不作膿。不腐潰口乾多煩躁者逆。已潰皮爛肉堅。不腐腫仍不消。痛仍不減。心煩者逆。潰後膿水清稀。腐肉雖脫。新肉不生。瘡口如凍。色敗臭穢者死。○治法初起毋論陰陽表裏。知痛不知痛。起發不起發。但未成膿者。俱宜灸之。

既灸不知痛者明灸之。灸未發熱疼痛有時。寒來浮
數。無便溺者。宜藥托之。身體拘急。脈緊惡寒。飲食就
暖者。邪在表也。宜汗之。腫而痛。汗乾便秘。身熱脈
實者。邪在裏也。宜下之。燉痛勢甚。煩躁飲冷。舌乾口
燥者。火在上也。宜清之。腫痛堅硬。背如負石。惡心乾
嘔。邪毒在內。宜解拔之。腫痛日深。內膿不出。瘀肉窒
塞。瘡口者。急開導之。軟漫不作膿。不腐潰。及潰後瘡
口散大。不生肌肉者。陽氣虛也。壯脾助胃。以溫補之。
身涼自汗。手足竅冷。六脈虛細。便泄陽脫者。急溫之。

遲則不救。○西航曰：凡癰腫須觀稟質氣血調治。惟
微瘡結毒，非專方不應。但驗病人身上有塊，不時掣
痛者，卽爲微毒無疑。當與三白丹疎滌之。元氣虛寒
者，加味三白丹最妙。虛甚不勝三白丹者，五寶丹亦
能療之。腫處用精豬肉貼之。若更發熱、頭疼、或手足
顫振、筋脈縮急者，此復感風寒觸發經中鬱毒也。先
與萬靈丹三服，汗之。次用調和血氣之劑，俟胃氣稍
復，然後用三白五寶治之。有用三白丹後，餘毒未盡
者，此胃虛不能行其藥力也。仍與調和氣血之劑，俟

能飲食起居更與五寶丹無不愈者此因銀粉切劑
致成結毒非仍用水銀不能拔去病根也用精豬
貼者豬爲水獸取其通達腎氣而無癰痕之患

診○身重脈緩爲溼勝身熱脈大心躁時熱乍來乍
去當逐熱諸痛眩暈動搖脈弦宜去風氣清氣滯乾
燥亡津液脈澀須調氣補血寒勝則浮食不得入便
溺多惡寒脈緊細應於水中補火凡癰疽初起癰
赤硬脈浮數者易治洪大急疾者難治弦緊沉細者
危膿成脈洪滑者易治虛大滿滯者難治癰小沉滑

者不治。已潰膿水未盡。脈緩滑者易治。數盛弦鞭者難治。滿數不調及虛大者危。膿盡後脈小弱緩滑者易治。遲滿虛細者難治。反洪盛或弦急者不治。潰久不斂。有反肉。乾膿脈緩滑流利者易治。弦細小弱者難治。反數盛急疾或虛大滿者不治。

雜門

汗

經云陽氣有餘爲身熱無汗陰氣有餘爲多汗身寒。
○飲食飽甚汗出於胃驚而奪精汗出於心持重遠
行汗出於腎疾走恐懼汗出於肝操體勞苦汗出於
脾。○腎病者寢汗出憎風。○津脫者汗大泄。○汗出
偏沮使人偏枯。○飲酒中風則爲漏風入房汗出中
風則爲內風。

景岳全書曰汗出一證有自汗者有盜汗者自汗者。

戢戢然無時而動作則益甚。盜汗者寐中通身汗出。覺來漸收。諸古法云。自汗者屬陽虛。腠理不固。衛氣之所司也。人以衛氣固其表。衛氣不固則表虛。自汗而津液爲之發泄也。治宜實表補陽。盜汗者屬陰虛。陰虛者陽必湊之。故陽蒸陰分則血熱。血熱則液泄而爲盜汗也。治宜清火補陰。此其大法。然自汗亦有陰虛盜汗亦多。陽虛者如遇煩勞大熱之類最多。自汗如飲食之火起於胃。勞倦之火起於脾。酒色之火起於腎。皆能令人自汗。若此者非陽盛陰衰而何。又

若人之寤寐。總由衛氣之出入。衛氣者。陽氣也。人於寐時。則衛氣入於陰分。此其時非陽虛於表而何。然則陰陽有異。何以辨之。曰。但察其有火無火。則或陰或陽。自可見矣。蓋火盛而汗出者。以火燄陰。陰虛可知也。無火而汗出者。以表氣不固。陽虛可知也。知斯二者。則汗出之要。無餘義矣。○汗由血液本乎陰也。經曰。陽之汗。以天地之雨名之。其義可知。然汗發於陰。而出於陽。此其根本。則由陰中之營氣。而其啟閉。則由陽中之衛氣。故凡欲疎汗而不知營衛之盛衰。

欲禁汗而不知索籥之牝牡。吾知其不敗不已也。○
汗證有陰陽。陽汗者熱汗也。陰汗者冷汗也。人但知
熱能致汗而不知寒亦致汗。所謂寒者非曰外寒正
以陽氣內虛則寒生於中而陰中無陽。陰中無陽則
陰無所主而汗隨氣泄。故凡大驚大恐大懼皆能令
人汗出。是皆陽氣頓消真元失守之兆。至其甚者則
如病後產後或大吐大瀉失血之後必多有汗出者。
是豈非氣去而然乎。故經曰陰勝則身寒汗出身常
清數慄而寒寒則厥厥則腹滿死。仲景曰極寒反汗

出身必冷如冰是皆陰汗之謂也。故凡治陰汗者。但當察氣虛之微甚。微虛者。畧扶正氣。其汗自收。甚虛者。非甘薑桂附速救。元氣不可。自汗雖由衛氣不固。胃中之津液外泄。而實關乎藏府蒸發使然。心之陽不能衛外而爲固。則自汗出。包絡之火鬱發也。腎之陰不能退藏於密。則盜汗出。陰火乘虛蒸發也。肺氣衰則表不能衛。而自汗出。必喘乏少氣。胃虛水穀氣脫散者。汗自出。必氣虛少食。○陰虛者。陽必湊。故發熱自汗。當歸六黃湯。陽虛者。陰

必乘故發厥自汗黃耆建中湯甚者少加附子營血
不足自汗黃耆建中加當歸甚者加熟地衛外之陽
不固而自汗著附湯脾中之陽衰微而自汗木附湯
腎中之陽浮遊而自汗參附湯○身冷自汗陰躁欲
坐泥水中脈浮而數按之如無經云脈至而從按之
不鼓諸陽皆然此陰盛格陽真武湯冷服○肺氣虛
者固其皮毛玉屏風散○脾虛者壯其中氣補中益
氣湯○心虛者益其血脈當歸補血湯○肝虛者理
其疎泄逍遙散○腎虛者助其封藏都氣丸○火氣

炎上胃中之產亦能作汗可用涼膈散○脾胃不健
外挾風溼身重汗出羌活勝溼湯○風溼相搏時自
汗出防已黃耆湯○惡風自汗桂枝湯○又有漏風
證一名酒風不論冬夏額上常有汗出此醉後常風
所致經曰有病身熱懈惰汗出如浴惡風少氣病名
酒風治之以澤瀉朮各十分藥啣五分合以三指撮
爲後飯又曰飲酒中風則爲漏風漏風之狀多汗常
不可以單衣食則汗出甚則身汗喘惡惡風衣常濡
口乾善渴不能勞事先宜五苓散熱服取汗後與黃

著建中加白朮澤瀉。汗出日久用參耆朮附等藥。不効。汗乾仍熱。此風邪伏於絡絡。暫與參蘇飲。病已止。服此反治也。汗出不止。名曰亡陽。以附子理中加黃耆。外用溫粉撲之。痰證汗自出。痰消汗自止。二陳加桂枝枳桔香附貝母。多汗惡風。食則汗出如油。久不治必成消渴。玉屏風散少加散牡蠣。病餘氣血俱虛而汗服諸止汗藥不應。用十全大補湯半劑加熟棗仁五錢。若胸膈煩悶不能勝陰藥者。生脈散加黃耆二錢。當歸六分。熟棗仁三錢。一服即驗。

○別處無汗獨心胸一片有汗此思傷心也其病在心名曰心汗歸脾湯倍黃耆或生脈散加當歸棗仁豬心湯煎服

汗出不治證○汗出而喘目者不治○汗出而脈脫者不治○汗出而身痛甚者不治○汗出髮潤至顛者不治○汗出如油者不治○汗出如珠者不治○汗出如膠膠粘如珠之類及淋漓如雨揩拭不逮者皆不可治

盜汗○金匱云男子平人脈虛弱微細者善盜汗出

蓋平人脈虛弱微細是衛虛不能鼓其脈氣於外所以不能約束津液當衛氣行陰目瞑之時血氣無以固其表腠理開則汗醒則行陽之氣復散於表則汗止矣名曰盜汗亦名寢汗此屬本虛與傷寒邪在半表不同先與當歸補血湯加炒棗仁半兩數服後與都炆丸調補之酒客睡中多汗此溼熱外蒸也二妙散加白朮防風牡蠣○血熱盜汗當歸六黃湯爲專藥虛人多加參耆減苓連身熱加地骨皮肝虛加棗仁肝實加龍膽草煩心加竹葉辰砂麥冬脾虛去苓

連加白朮芍藥。傷寒陽明少陽證盜汗柴胡葛根
隨證主治溫熱三陽合病目合則汗白虎湯
頭汗。頭爲諸陽之會額上多汗而他處無者溼熱
上蒸使然。或畜血結於胃口迫其津液上逆所致。
畜血頭汗出劑頸而還犀角地黃湯。頭汗小便不
利而渴不能飲此瘀畜膀胱也。桃核承氣湯。胃熱
上蒸額汗發黃小便不利者五苓散加茵陳甚則茵
陳蒿湯微利之。傷寒脇痛耳聾寒熱口苦頭上汗
出劑頸而還屬少陽小柴胡加桂枝芍朮和之凡頭

汗服和營衛逐淫豁痰理氣散瘀藥或發寒熱下體
得汗者爲營衛氣通日漸向愈之機也○食滯中宮
熱氣上炎亦令頭汗生料保和丸倍用薑汁炒川連
○病後產後悉屬陽虛誤治必死傷溼額上汗出下
之微喘者死下後小便不利者亦死傷寒陰毒等證
額汗見緒論

手足汗○脾胃溼蒸傷達於四肢則手足多汗熱者
二陳湯加川連白芍冷者理中湯加烏梅湯者十全
大補去芎加五味

陰汗。陰間有汗屬下焦。淫熱龍膽瀉肝湯加風藥。
一二味。風能勝淫也。或當歸龍薈丸及二妙散俱効。
陰囊淫者以燭甘石熨之。撲之。客此。潮末亦佳。
半身汗出。夏月止。半身出汗。皆氣血不充。內挾寒。
飲所致。偏枯及天之兆也。大劑十全大補人參養營。
大建中輩。加行經絡痰藥治之。若元氣稍充。卽開用。
小續命湯一劑。以開發其表。或防已黃耆湯加川烏。
以散其淫。此證雖屬血虛。慎不可用四物陰藥。以其
閉滯經絡故也。

石頑曰。汗之源不一。有因於衛氣疎者。有因於營氣熱者。有因於營衛不和者。蓋風邪干衛。則腠理疎。營氣乘表虛而外泄。則自汗治。當散邪爲急。宜從仲景桂枝湯。小建中輩。過則營氣外亡。邪氣內入。必變府實潮熱矣。又宜三承氣湯選用。此皆外感自汗也。若鬱熱內蒸。亦必從空竅發泄。或從腸胃下奔。或從皮毛外達。則鬱熱得散。然外泄輕於下奔。蒸熱勝於乾熱。以此驗營衛之枯與不枯也。當從內傷虛損例治之。至於邪正交加。非汗不解。故少陽挾熱。或爲盜汗。

或腋汗脇汗須知從陰陽交互時及陰陽交互處發
泄者皆陰陽不和半表半裏證小柴胡逍遙散皆合
劑也及乎換風邪痰溼之類亦多有之至如頭汗或
爲溼熱上攻或爲瘀血內結亦屬陰陽不和其於陰
汗股汗又爲肝家溼熱下滲之徵驗豈可一槩施治
乎。

診○汗家腠理疎豁其脈必緩兼浮則爲風兼滑則
爲痰兼大則爲熱兼弱爲衛虛兼芤爲失血兼遲爲
氣虛兼細爲陰虛經云肺脈軟而散者當病漉汗肺

脈緩甚爲多汗。尺瀼脈滑。謂之多汗。病風人脈緊數。浮沉有力。汗出不止。呼吸有聲者死。不然則主病氣。東垣治一人。二月陰雨寒溼。又因勞役所傷。病解之後。汗出不止。沾濡數日。惡寒重。添厚衣。心胸間時煩熱。頭目昏憤。上壅食少。此乃胃中陰火熾盛。與外天雨之溼氣相合。而汗出不休。遂用羌活勝溼湯。以風藥去其溼。甘寒瀉其熱。一服而愈。滑伯仁治一婦。暑月自汗。口乾煩躁。欲坐水中。脈浮而數。按之豁然虛散。得之食生冷乘涼所致。以

眞武湯一進汗止再進服退三進全安

飛疇治陳子厚媳八月間因產不順去血過多產後惡露稀少服益母草湯不行身熱汗出產科用發散行血更劇自用焦糖酒一碗遂周身絡脈楚難堪惡露大下汗沉凝汗出如浴但言心痛不可名狀此血去過心失其養故痛肝主筋爲藏血之地肝失其榮絡脈筆楚不堪且汗爲產後之大禁若非急用人參恐難保其朝夕也用四君合保元加白芍五味一劑汗止因其語言如巢

疑爲瘀血未盡更欲誦利子曰聲怯無神此屬邪
聲且腹不疼痛瘀何從有此神氣散亂不收之故
前方加入棗仁龍齒諸證漸平後服續命湯至兩
月而安

不得卧

多卧 忘情嗜卧

靈樞六衛氣不得入於陰常留於陽留於陽則陽氣滿陽氣滿則陽蹻盛不得入於陰則陰氣虛故目不瞑常則不得卧而藏遠所以目不得瞑也失其壯者之氣血盛其肌肉滑氣道通營衛之行不失其常故晝精而夜瞑老者之氣血衰其肌肉枯氣道滯五藏之氣相搏其營氣衰少而衛氣內伐故晝不精夜不瞑素問云陰虛故目不瞑補其不足瀉其有餘調其虛實以通其道而去其邪飲以半夏湯一劑陰陽已通

其卧立至。病新發者。覆杯則卧。汗出則已矣。久者三
飲而已也。○胃不和則卧不安也。卧則喘者。是水氣
之客也。

不寐有二。有病後虛弱。有年高。人血衰。不寐。有痰在
膽經。神不歸舍。亦令人不寐。虛者。六君子加棗仁。痰
者。靈樞半夏湯。○虛勞煩熱。不得眠。酸棗湯。或酸棗
仁一兩炒。研水煎。絞取汁。下米二合煮糜。以生地五
錢搗汁入。更煮過時。時服之。○大病後虛煩。不得眠。
竹葉石膏湯。○水停心下。不得眠。茯苓甘草湯。○婦

人肥盛多鬱不得眠者吐之從鬱結痰火治大抵
氣宜靜濁氣痰火擾之則不眠溫膽湯用猪膽汁炒
半夏麴加柴胡三錢炒棗仁一錢五分立効蓋驚悸
健忘失志心風不寐皆是痰涎沃心以致心氣不
若涼心太過則心火愈微痰涎愈盛惟以理痰順氣
爲第一義導痰湯加石菖蒲○有寐中覺魂魄飛
驚悸通夕不得安眠是肝虛受邪也其人易怒魂不
歸肝是以飛揚獨活湯珍珠母丸次第服之○喘不
得卧以喘法治之蘇子橘紅甘草桔梗竹茹○厥不

得卧以脚氣法治之。牛膝丹皮木通沉香觀桂。虛勞欬嗽形脫不得卧不可治。煩不得卧諸藥不效者。梔子豉湯下。硃砂安神丸不應。用益元散加牛黃。更不應。虛火用事也。補中益氣湯下。硃砂安神丸。間進六味丸。恆服方効。有病久餘熱不止。久不得卧者。六味丸滋其真陰。自然熱止安卧矣。脈數滑有力。不眠者。中有宿滯痰火。此爲胃不和則卧不安也。心下硬悶。屬宿滯。半夏白朮茯苓川連枳實。病後及汗下後與癰瘍不得眠。屬膽虛。人參茯苓炒棗仁陳

皮麥冬圓眼肉爲主。有火脈數口乾。加知母川連竹
茹。心煩用炒黑山梔。
石頭。口平人不得卧。多起於勞。心思慮喜怒驚恐。是
以舉世用補心安神藥。鮮克有效。曷知五志不伸。往
往生痰。聚飲飲聚於膽。則膽寒肝熱。故魂不歸肝而
不得卧。是以內經用半夏湯滌其痰。飲則陰陽自通。
其卧立至。一少年因恐慮兩月不卧。服安神補心藥
無筭。余與溫膽湯倍半夏柴胡一劑。頓卧兩晝夜。竟
爾霍然。復有一人遺精煩擾不得卧。與六味丸料加

賈仁數服而安寢如常更有一人癰瘍久不收斂而
不得卧瘍醫不能療令用大劑十全大補而安大抵
因病不得卧當詳所因亦不專主膽病也
多卧○經云卒然多卧者邪氣客於上焦上焦閉而
不通已食若飲湯衛氣久留於陰而不行故卒然多
卧焉○膽虛不眠寒也酸棗仁一兩炒爲末醇酒調
服膽實多卧熱也酸棗仁一兩生爲末茶清調服○
嗜卧○東垣云脈緩怠惰四肢不收或大便泄瀉此
溼勝從胃苓湯○食入則困倦精神昏胃而欲睡者

脾虛也。六君子加麴蘖山查。○時值秋燥，急倦嗜卧，兼見肺病，灑淅惡寒，不嗜食者，此陽氣不伸也。升陽益胃湯。

不能食

惡食 饑不能食

經云。人之善饑而不嗜食者。精氣并於脾。熱氣留於胃。胃熱則消穀。故善饑。胃氣逆上則胃脘寒。故不嗜食也。

東垣云。太陰所謂惡聞食臭。胃無氣。故惡食臭也。胃中元氣盛則能食而不傷。過時而不饑。脾胃俱旺則能食而肥。脾胃俱虛則不能食而瘦。故不能食皆作虛論。若傷食惡食。自有本門。不在此例。病人脈緩怠惰。四肢重著。或大便泄瀉不食。此濕勝也。胃苓湯。

○病人脈弦氣弱自汗四肢發熱或大便泄瀉不食
皮毛枯槁髮脫黃耆建中湯加減○病人脈滑氣口
盛於人迎或滿滯不調其人痞滿嘔逆不食此有宿
食保和丸枳朮丸消導之○病人脈虛氣弱脾胃不
和或兼惡心不食六君子枳實理中選用有痰用導
痰湯○虛而有痰用人參四兩半夏一兩薑汁浸一
宿曬乾爲末麴糊丸食後生薑湯下

許學士云有人全不進食服補脾藥皆不効授以二
神丸服之頓能進食五更腎瀉尤宜此病不可全作

脾氣治。蓋腎氣怯弱。真元衰削。是以不能消化飲食。
噤之。食無精水穀不能腐化也。

惡食。惡食有虛實之分。實則心下悶痛。惡心口苦。
二陳加黃連枳朮。虛則倦怠。色痿黃。心下軟異功散。
加砂仁木香。有痰惡心。六君子加香砂。

饑不能食。此證有二。一屬胃中虛熱。六君子加薑
汁炒川連。一屬陰火乘胃。六味丸加赤桂五味。○又
熱病後餘熱未盡。脈虛洪不實者。人參白虎湯。

石頑曰。胃主出納。脾司運化。故不食皆為中土受病。

然胃之土體陽而用陰脾之土體陰而用陽胃實則
痞滿氣脹胃虛則飲食不甘胃熱則饑不能食胃寒
則脹滿不食胃津不布則口淡無味胃中火盛則消
渴易饑有痰則惡心嘔涎脾虛則食後反飽脾津不
藏則口甘畏食脾挾肝熱則吞酸吐酸此皆中土受
病也至於腎藏陽虛不能腐熟水穀又當歸重於命
門火爲上母故也

徐嘉言治一人病後胃中隱隱作痛有時得食則
已有時得食轉加大便甚難小便不暢蓋因脾中

津液爲邪火所燦。津液未充。火勢內蘊。易於上炎。所以得食以壓其火。則安。若食飲稍過。則氣不能轉運其食。而痛亦熾。是火不除。則氣不復。則胃中清濁混亂。不肯下行。而痛終不免也。於是爲訂降火生津。下氣止痛方。爲常用之藥。務先收攝腎氣。不使外出。然後濁氣之源清。而膀胱得吸引上中二焦之氣以下行矣。

石頑治孝廉徐侯齋。尊聞不得寐。不能食。心神恍惚。四肢微寒。手心熱。汗至晚則喉間熱結。有痰兩

耳時如充塞。遍服安神清火藥。罔効。邀石頑診之。
六脈縈縈如蛛蜘蛛絲。而微顯弦數之象。此中氣久
鬱不舒。虛火上炎之候也。蓋緣侯齋素居澗上。自
鼎革三十年來。繭足杜門。饘粥不繼。乃闢克相夫
志力竭神勞所致。本當用歸脾湯以補心脾之虛。
奈素有虛痰。陰火不勝。著圓之滯。木香之燥。遂以
五味異功。畧加歸芍肉桂。以和其陰。導其火。不數
服而食進寢寧。諸證釋然矣。

不能語

人有一生不能言者。此肺竅窒塞。腎氣不能上通於咽。如管鑰之固閉。其竅不能通呼吸之氣也。若因病而不能語者。惟中風傷寒暴病有之。近有顧允祥之婦。暴怒傷食。喘脹嘔逆不止。醫者誤認風邪。而與表藥。遂昏憤。目瞪不語。呼之不省。乃求救於石頑。其脈六部濡伏。知爲痰因氣閉所致。本當因勢利導。探吐以通其竅。緣病家畏其吐劇。遂與導痰湯加菖蒲遠志。一啜便能語言。更與前藥加檳榔鐵落。得下而安。

門人問曰。此病旣當探吐。何下之亦能取効。因謂之曰。治病貴乎圓活。但得開通經絡。管鑰自空。設用橘皮濃煎。亦可探吐。參薤濃煎。亦可灌吐。薑汁竹瀝。亦可取吐。在豐稔之家。局方至寶丹。牛黃丸。蘇合香丸。皆可取用。奚必拘於何藥方爲合劑耶。

消瘴

經云。二陽結。謂之消。

二陽者陽明也。手陽明大腸主津。病消則目黃。口乾。是津不足。

也。足陽明胃主血。熱則消。殺善饑。血中伏火。乃血不足也。結者津液不足。結而不潤。皆燥熱為病也。

瘴成爲消中。○心移熱於肺。傳爲鬲消。鬲上煩渴。飲水多而善消。

肺氣不化。小便反少也。○心移寒於肺。肺消者。飲一溲二。

死不治。若火失政。則陰火乘之。故肺金雖有。客熱消水而下焦真陽失守。渡便反多。故死不治。

○大腸移熱於胃。善食而瘦。謂之食亦。食亦謂食移易而過胃熱。

不生肌肉。津液內燦而消。見於外也。若胃移熱於膽。而食亦則有煩熱。口苦之患矣。○腎熱病

者。先腰痛。胛酸。苦渴。數飲。身熱。○有口甘者。病名脾

痺五味入口。藏於胃脾爲之行其精氣。津液在脾。故
令人口甘也。此人必數食甘美而多肥。肥者令人內
熱。甘者令人中滿。故其氣上溢。轉爲消渴。治之以蘭
除陳氣也。○熱中消中不可服膏粱芳草石藥。石藥
發癘芳草發狂。芳草之氣美。石藥之氣悍。二者其氣
急疾堅勁。非緩心和人不可以服。○熱氣留於小腸
腸中痛。痺熱焦渴則堅乾。不得出。故痛而閉不通矣。
○消痺脈實。大病久可治。脈懸小。堅痛久不可治。
金匱云。男子消渴。小便反多。以飲一斗。小便一斗。腎

氣丸主之。

腎主藏精以施化。若精泄無度。火動不已。則肺氣傷燥而思水。水入於胃。不得肺氣之化。不復上歸下輸。腎病則氣不約束。調布豈不飲一斗而出一斗乎。故用腎氣丸。全賴桂附之辛溫。蒸發津氣。以潤藏府。百骸豈云專補其腎哉。

脈浮小便不利。微熱消渴者。宜利小便。發汗。五苓散主之。

此言水氣不化之渴。與渴欲飲水。水入卽吐。名曰

水逆之渴證雖稍異而水氣阻礙津液則一故並宜五苓以輸散之水散則津液灌漑而渴自已耳渴欲飲水不止者文蛤散主之

文蛤治傷寒冷水誤灌意欲飲水反不渴者是治表之水寒今治裏熱而渴飲水不止者亦取其鹹寒退火有益水潤燥之功一味而兩得之若治心移熱於肺傳爲鬲消者尤宜

趙養葵云上消者舌上赤裂大渴引飲逆調論謂心移熱於肺傳爲鬲消者是也以白虎加人參湯治之

中消者善食而瘦自汗大便硬小便數者
是也。以調胃承氣湯治之。下消者煩渴
焦乾小便如膏此腎消也。六味丸治之。古
之法詳別如此。余又有一說。為人之水火得其平氣
血得其養何消之有。其間調攝失宜水火偏勝津液
枯槁以致龍雷之火上炎。熬煎既久腸胃合消五藏
乾燥令人四肢瘦削精神倦怠。故治消之法無分上
中下先治腎為急。惟六味八味加減八味隨證而服
降其心火滋其腎水則渴自止矣。白虎與承氣非其

所治也。總之是下焦命門火不歸元。遊於肺則爲上消。遊於胃卽爲中消。以八味腎氣丸引火歸元。使火在釜底。水火既濟。氣上薰蒸。肺受溼潤。而渴疾愈矣。○或曰。人有服地黃湯而渴仍不止者。何也。曰。心肺位近。宜制小。其服腎肝位遠。宜制大。其服如上。消中消。可以用前丸緩治。若下消已極。大渴大燥。須加減八味丸料一升。肉桂一兩。水煎六七碗。恣意冰冷服之。熟睡而渴病如失矣。處方之制存乎人之變通耳。○有等渴欲引飲。但飲水不適。一二日卽厭。少頃復

渴飲亦不過若此。但不若消渴者之飲水無厭也。此是中氣虛寒。寒水泛上。逼其浮遊之火於咽喉。口舌之間。故上焦一段欲得水救。若到中焦。以水見水。正其所惡也。治法如面紅煩燥者。理中湯送八味丸。喻嘉言曰。消渴之患。常始於微。而成於著。始於胃。而極於肺腎。始如以水沃焦。水入猶能消之。旣而以水投石。水去而石自若。至於飲一澠一飲一澠。二則燥火劫其真陰。操立盡之勢。而成槁槁矣。內經有其論。無其治。金匱有論有治也。而集書者採傷寒論厥陰

經消渴之文。湊入後人不能決擇。斯亦不適於用也。蓋傷寒傳經熱邪至厥陰而盡。熱勢入深。故渴而消水。及熱解則不渴。且不消矣。豈難證積漸爲患之尤乎。謹從內經擬議言之。經謂治消癆。仆擊偏枯痿厥。氣滿發逆。肥貴人則膏粱之疾也。此中消之所由來也。肥而不貴。食弗給於鮮。貴而不肥。食弗過於饗。肥而且貴。醇酒厚味。孰爲限量哉。久之。食飲釀成內熱。津液乾涸。求濟於水。然水入尚能消之也。愈消愈渴。其膏粱愈無已。而中消之病成矣。夫既痺成爲消中。

隨其或上或下。火熱熾盛之區。以次傳入矣。上消者。胃以其熱上輸於肺。而子受母累。心復以其熱移之於肺。而金受火刑。金者生水而出高源者也。飲入胃中。遊溢精氣而上。則肺通調水道而下。今火熱入之高源之水。爲暴虐所逼。合外飲之水。建瓶而下。飲一洩二。不但不能消胃水。且并素醞水精。竭絕而盡輸於下。較大府之暴注暴泄尤爲甚矣。故死不治也。至於胃以其熱由關門下傳於腎。腎或以石藥耗其真。女勞竭其精者。陽強於外。陰不內守。而小便渾濁如

膏飲一洩二腎消之病成矣。故腎者胃之關也。關門不開則水無輸泄而爲腫滿。關門不開則無底止而爲消渴。消渴屬腎一證。金匱原文未脫其曰飲一斗洩一斗者。腎氣丸主之。於此蒸動精水上承。若火而止其下入之陽光。此正通天手。眼張子和輒敢詆之。旣詆仲景。復詆河間。謂其神芩丸以黃芩味苦入心。牽牛大黃驅火氣而下。以滑石引入腎經。將離入坎。眞得黃庭之秘。顛倒其說。何私所好。識趣卑陋。若此。又何足以入仲景之門哉。何柏齋消渴論中已辨其

非吾觀戴人吐下。諸按中從無有治消渴一案者。然以承氣治壯火之。雖施之消渴。又無其事矣。故以下消之火。木中之火也。下之則愈燔。中消之火。竭澤之火也。下之則愈傷。上消之火。燎原之火也。水從天降。可滅。徒攻腸胃。無益。反損夫地氣。上爲雲。然後天氣下爲雨。是故雨出。地氣。地氣不上。天能雨乎。故急升地氣。以慰三農。與。亟蒸腎水。以溉三焦。皆事理之必然者耳。○內經曰。心移熱於肺。傳爲鬲消。戴人謂膈消。猶未及於肺。至心移寒於肺。乃爲肺消。如此泥文。

害意。非能讀內經者也。要識心肺同居膈上。肺爲嬌
藏。移寒移熱。總之易入。但寒邪入而外束。熱邪入而
內傳。均一肺消而治則有分矣。

腎消之病。古曰強中。又謂內消。多因恣意色慾。或餌
金石。腎氣旣衰。石氣獨在。精髓失養。故常發虛陽不
交。精出小便無度。唇口乾焦。加減八味丸。用生脈散
下。千金云。有人苦熱不已。皆由服石所致。種種服
餌。不能制止。惟朴硝煎可以定之。男子消渴。飲一
斗。溲一斗者。腎氣丸。飲一溲二者。難治。渴家誤作

火治涼藥亂投促人生命宜多服生脈散滋養之○
上焦蘊熱消渴小便赤澀清心連子飲○心膈有熱
久則引飲爲消渴名曰鬲消胃滿煩心津液短少宜
明麥門冬飲子○老弱之人大渴易老門冬飲○消
中能食而瘦口舌乾枯大渴引飲自汗大便秘燥小
便頻數藳香飲子煩熱大渴引飲不止脈大滑實甘
露飲子○胃熱口臭煩渴引飲而赤唇乾氣口脈短
滑者瀉黃散○食已如饑胃熱消穀陽明脈盛心火
上行面黃肌瘦胸滿脇脹小便赤澀七味白朮散○

心膈有熱消渴咽乾面赤生料固本丸加黃耆甘草。石斛澤瀉枇杷葉。○脈浮小便不利微熱消渴或渴飲水多停而不散心下轉轉有聲小便不利者並宜五苓散若熱渴不止加人參。○三消久而小便不臭反作甜氣此脾氣下脫爲病最重七味白朮散有溺桶中浮在面上如豬脂濺在桶邊或如柏油者此腎虛不能約制脾胃之膏液下流用白朮散腎氣丸可救十之一二。○脾消之證飲食入腹如湯沃雪隨小便而出出於溺僻溝渠皆凝結如白肌膚日消用熱

藥則愈甚。用涼藥則愈虛。不能起。止精神恍惚。口舌焦乾。或陽強興盛。不交而泄。不久當斃。孫真人云。消渴之人。愈與未愈。常須思慮。有大癰。何者。消渴之人。必於大骨間發癰疽。而卒。所以專慮發大癰也。

診○石頑曰。經言。消痺脈實。大病久可治。脈懸小。堅。病久不可治。見消證脈顯實大。爲證脈相符。雖久可治。若見懸小而堅。不但脈不應病。且真藏發露。其可療乎。設消證脈小。而不至於虛懸堅勁。又當從仲景腎氣丸正治矣。然歷診消痺之脈。無有不帶數象者。

但須察浮數沉數。在左在右。尺甚寸甚。及有餘不足。兼見何脈。而爲審治。又須詳南北風土之強弱。病人稟氣之厚薄。合脈象而推之。庶幾無虛虛之悞矣。大抵北人消癰脈多沉。石滑數。以北方寒水司權。且素食燥火。腎氣多厚。故用劉張寒瀉之法。往往獲効。然間有恃力作強。以水爲事。乃致虛陽不守。封藏不固。而見右尺數大。爲下消者。亦有真陰耗竭。腎氣不升。肺藏枯燥。而見寸口數盛。爲上消者。又有竭力房室。服食燥悍。火土太強。恣意飲嗽。而見氣口動滑。爲中

消者。又不可限以風土。急須導火壯水。除陳氣等法。若大江已南。木炁始生之界。患消痺者。從無沉石之脈。卽有滑數。按之必需多有尺內見弦。及氣口命門大數。或兩寸浮滑者。以東南水土孱薄。虛陽易動。腎水易虧。當確遵金匱東垣養葵。猶恐不及。況可效用劉張之法乎。主若庾嶺而南。消痺之脈。亦絕無沉石之候。多見浮大數盛。外示有餘。中實不足。以其陽氣泄而不藏。腎氣溢而不滿。故其治。僅可用辛涼以清其熱。甘寒以滋其陰。若辛熱導火。苦寒瀉氣等藥。總

無於預也。至於臨病審察。又當隨左右尺寸之太過不及。而爲決斷。太過見於寸口。多爲氣病。不及見於尺內。多爲腎虛。又在左偏弦。爲精髓受傷。在右偏旺。爲虛陽發露。然其邪皆自內發。故表證表脈絕少。卽金匱五苓散一條。亦是水氣不化。津液不行而渴。故顯脈浮。小便不利。微熱消渴之證。見消痺雖有浮脈。亦是客邪爲患。非此證之本脈。故特表而出之。

石頑治太學趙雪訪。消中善食。日進膏粱數次。不能敵其饑勢。丙夜必進二食。食過卽昏昏嗜卧。或

時作酸作甜。或時夢交精泄。或時經日不飲。或時引飲不徹。自言省試勞心所致。詢其先前所服之藥。屢用安神補心滋陰清火。俱不應延。至麥秋。其證愈劇。始求治於石頑。察其聲音濁而多滯。其形雖肥盛。色蒼而肌肉綿奕。其脈六部皆洪滑而數。惟右關特甚。其兩尺亦洪滑。而按之少神。此腎氣不充。痰溼挾陰火泛溢於中之象。遂與加味導痰加蘭香數服。其勢大減。次以六君子合佐金枳實湯泛丸服。後以六味丸去地黃加鯉膠茯苓平調。

兩月而康。

又治朔客白小樓中消善食脾約便艱。察其形瘦而質堅。診其脈數而有力。時喜飲冷氣酒。此酒之淫熱內蘊爲患。遂以調胃承氣三下。破其蘊熱。次與滋腎丸數服。滌其餘火而安。

又治粵客李之藩。上消引飲。時當三伏。觸熱到吳。初時自汗發熱。煩渴引飲。漸至溲便頻數。飲卽氣喘。飲過卽渴。察其脈象。惟右寸浮數動滑。知爲熱傷肺氣之候。因以小劑白虎加人參三服。其勢頓

減次與生脈散調理數日而痊。

又治薛廉夫子強中下消。飲一溲二。因新娶繼室。真陰灼爍。虛陽用事。陽強不倒。姿肆益甚。乃至氣息不能相續。精滑不能自收。背曲肩隨。腰膝疼軟。足膝痿弱。寸步艱難。糜粥到口卽厭。惟喜膏粱。食物其脈或時數大少力。或時弦細數疾。此陰陽離決。中空不能主持。而隨虛火輒內輒外也。峻與八味腎氣。保元獨參。調補經年。更與六味地黃久服而痊。

又牙行邵渭賓。仲夏與一婢通。因客至驚恐。精氣
大脫。卽凜凜畏寒。翁翁發熱。畏食畏飲。小便淋瀝。
不禁。邀石頑診之。六脈弦細如絲。責責如循刀刃。
此腎中真陽大虧之兆。令服生料六味。稍加桂附。
以通陽氣。其左右親戚咸謂夏暑不宜桂附。另延
一醫。峻用人參附子。月餘。飲食大進。猶謂參附得
力。恣餌不徹。遂至日食豚蹄雞鴨七八食。至夜預
治熱食。聽其飽食二次。如此又兩月餘。形體豐滿。
備常。但苦時時嘈雜易饑。常見青衣翠鬼周遶其

側偏結不靈復邀石頑診治其脈皆滑數有力而
右倍於左察其形色多滯且多言多笑而語多不
次此味痰壅塞於中復加辛熱助其淫火始本陰
虛末傳中消之患也不急祛滌必爲狂癡之病爲
製涌吐之劑遲疑不進未幾忽然大叫發狂妄言
妄見始信余言之非謬也

痰火門

石頑曰痰火一證。方書罕及。近惟郢中梁仁甫國醫。宗旨專爲立言。然皆泛引膚辭。且所用方藥。專事降泄。畧無切於病情。殊非指南之謂。夫所謂痰火者。精髓枯涸於下。痰火憑陵於上。有形之痰。無形之火。交固於中。良由勞思傷神。嗜慾傷精。加以飲食不節。血肉之味。蘊釀爲痰。爲火。變動爲欬。爲喘。其在平居無恙之時。貯積窠囊之中。或時有所觸發。則衝膈透膜。與潮宗之泛濫無異。觀其外顯之狀。頗有似乎哮喘。

察其內發之因。反有類乎消中。消中由陰邪上僭。攝之可以漸瘳。哮喘由表邪內陷。溫之可以暫安。此則外內合邪。兩難分解。溫之燥之。升之攝之。咸非所宜。況乎觸發多端。治非一律。何怪時師之茫無統緒乎。予由是而因病製宜。特立玉竹飲子一方。爲是證之專藥。臨證以意增減。庶幾欸洽病情。其有兼挾客邪者。又須先徹標證。然後從本而施。自然信手合轍。如因感風寒而發。則香蘇散爲主。當畧加細辛以開肺氣。香豉以通腎邪。散標最捷。益香蘇性降。可無升舉。

濁垢之虞。他如麻黃桂枝柴防升葛羌獨川芎等味。能鼓動痰氣。薄荷荆芥橘皮蘇子等味。能耗散真氣。芩連知蘖赤白芍栝藟根石膏等味。能斂閉邪氣。皆宜遠之。因飲食而發。祇宜金匱枳朮湯。隨所傷之物。而爲參用。穀傷麴蘖酒傷煨葛肉傷炮杏麩麩傷加草果雞鴨卵傷加杏仁痰食交結。則加橘半食積發熱。必加黃連。黃連與枳實同用。善消痞滿。半夏與白朮同用。專運痰濕。然須生用力。能豁痰痰去。則津液流通。熱渴自解。非蒼朮南星燥烈傷津之比。因惱怒。

而發沉香降氣散和滓煎服。不但理氣化痰亦可消
運食滯。其或兼胃微風另煎香蘇散以協濟之。原其
觸發之因。不出風食氣三者爲甚。然皆人所共知。惟
是觸感風熱而發者。世所共昧。蓋寒傷形而不傷氣。
氣本乎肺。肺氣受傷。欬嗽喘滿。勢所必致。而寒客皮
表。皮毛爲肺之合。邪從皮毛而入。傷於肺。欬嗽喘滿。
亦勢所必致。何怪舉世醫師一見喘欬。槩以表散爲
務。良由不辨內因外因之故耳。曷知外因從表而傷。
有形之津證屬有餘。故一欬其痰卽應。而痰沫清稀。

內因從肺而傷無形之氣證屬不足故屢欲而痰不
得出。大劇則嘔此不但肺病而胃亦病矣。是予玉竹
飲子。乃中茯苓甘草。端爲胃家預立地步也。至於標
證散後。餘火未清。人參未宜遽用。玉竹飲子尤爲合
劑。病勢向衰。卽當滋養肺胃。異功散加萎蕤。取橘皮
爲宣通氣化之報。使氣虛不能宣發其痰。又需導方
七氣湯。借肉桂爲熱因熱用之嚮導。若其人形體雖
肥而色白氣虛。則以六君子湯加竹瀝薑汁。卽有半
夏亦無妨礙。食少便澀者。竹瀝又爲切禁。宜用伏龍

肝湯代水煎服。脾氣安和。津液自固。可無傷耗之慮矣。瘦人陰虛多火。六味地黃去澤瀉。合生脈散。使金水相生。自然火息痰降。去澤瀉者。以其利水傷津也。若命門脈弱。真火式微。或不時上衝。頭面圓熱。又須六味地黃加肉桂五味子。以攝火歸陰。陰平陽秘。精神迺治。須知治痰先治火。治火先養陰。此爲治痰治火之的訣。然復有真氣浮散之極。草根木實無濟於用。又須金石以鎮固之。予嘗借服食方中靈飛散。取雲母。以攝虛陽。鍾乳以通肺竅。菊花以清肝氣。兼天

冬地黃人參之三才以固精氣神之根本卽修內丹不外乎此所謂知其要者一言而終不知其要流散無窮故以此言質之梁子

梁仁甫云病痰火者或吐血或衄血或喉疼身熱溺黃皆熱證也庸醫妄投苦寒瀉火之劑不知苦寒能瀉脾胃脾胃土也乃人身之本也今火病而瀉其土火未嘗除而土已病矣土病則胃虛因而飲食減少甚至泄瀉肌肉消瘦不可救藥矣世俗謂病痰火者服童便最好余治痰火每禁服童便蓋童便降火雖

速而損胃多矣。故治火病以理脾爲主。此真訣也。
診○痰脈沉弦細滑。大小不勻。皆痰氣爲病。左右手
關前脈浮大而實者。膈上有稠痰也。關上脈伏而大
者。滯痰也。丹溪云。人得滯脈。痰飲膠固。脈道阻滯。卒
難得開。必費調理。

黃疸

目黃

經云。身痛而色微黃。齒垢黃。爪甲上黃。黃疸也。安卧小便黃赤。脈小而濇者。不嗜食。○溺黃赤安卧者曰黃疸。食已如饑者曰胃疸。目黃曰黃疸。

金匱云。諸病黃家。但當利其小便。假令脈浮。當以汗解之。宜桂枝加黃耆湯主之。

黃家一證。大率從水溼得之。治溼之法。當利小便爲第一義。然脈浮者。知溼不在裏而在表。又當以汗解之。設表溼乘虛入裏而作癰閉。又當利其小

便也。故下條云黃痺病茵陳五苓散主之。活法在心可拘執乎。

黃痺病茵陳五苓散主之。

夫病酒黃痺必小便不利。其候心中熱。足下熱。是其證也。

酒黃痺者。或無熱。靖言了。腹滿欲吐。鼻燥。其脈浮者。先吐之。沉弦者。先下之。酒痺心中熱欲吐者。吐之愈。

酒黃痺。心中懊懣。或熱痛。梔子大黃湯主之。

此卽枳實梔子豉湯之變名也。大病後勞復發熱。服枳實梔子豉三味。覆令微汗。使餘熱從外而解。若有宿食。則加大黃。從內而解。此治酒痺之脈沉弦者。用此方以下之。其脈浮。當先吐者。則用梔子豉湯。可不言而喻矣。蓋酒痺傷胃。發黃無形之溼熱。故宜梔子豉湯之。與穀痺之當用茵陳蒿者。溼渭自殊。卽此湯亦自治酒食並傷之溼鬱。故可用下。觀枳實梔子豉湯之加大黃。亦是因宿食而用也。更有梔子檳皮湯。治身黃發熱一證。又以苦燥。

利其滲道也。合此比例而推治黃之法。無餘蘊矣。酒痺下之。久久爲黑痺。目黃面黑。心中如噉蒜齏狀。大便正黑。皮膚爪之不仁。其脈浮弱。雖黑微黃。故知之。

金匱治酒痺。用或吐或下之法。言雖錯出。義實一質。蓋酒之積熱入膀胱。則氣體不行。必小便不利。積於上焦。則心中熱。積於下焦。則足下熱。其無心中足下熱者。則靖言了了。而不神昏。但見腹滿欲吐。鼻煤三證。可知其膈上與腹中陰陽交病。須分

先後治之。當辨脈之浮沉以定吐下之先後。若但心中熱欲嘔吐。則病全在上焦。吐之即愈。何取下爲哉。其酒熱內結。心神昏亂。而作懊憹及痛楚者。則不可不下。故以梔子香豉皆治其心中懊憹。大黃瀉滌實熱。枳實破結。遂去宿垢也。但以此初病之法。不可久用。久久下之。必脾肺之陽氣盡傷。不能統領其陰血。其血有日趨於敗而變黑耳。然酒痺之黑。非女勞痺之黑也。女勞痺之黑爲腎氣所發。酒痺之黑爲敗血之色。因酒之淫熱傷脾胃脾

胃不和陽氣不化陰血不運若更下之久久則運
化之用愈耗矣氣耗血積敗腐瘀濁色越肌面爲
黑味變於心咽作嘈雜心辣加噉蒜薑狀營血衰
而不行痺於皮膚爪之不仁輪於大腸便如漆黑
其目黃與脈浮弱皆病血也仙景於一酒痺臚列
先後次第以盡其治其精而且詳如此
穀痺之爲病寒熱不食食即頭眩
黃爲穀痺茵陳蒿湯主之
額上黑微汗出手足中熱薄暮即

發熱或急小便自

利名曰女勞瘵腹如水狀不治

女勞之瘵。惟言額上黑。不言身黃。簡文也。然黑爲北方陰晦之色。乃加於南方離明之位。以女勞無度。而脾中之濁陰下趨入腎。水色上顯之色。乃至微汗亦隨火而出於額。心之液止外亡矣。手足心熱。內傷皆然。日暮陽明用事。陽明主闔收斂。一身之溼熱疾趨而下。膀胱其小便日利。大便黑。時澇。又是膀胱畜血之驗。腹如水狀。實非水也。正指畜血而言。故爲不治。

黃家日脯所發熱而反惡寒此爲女勞得之膀胱急少腹滿身盡黃額上黑足下熱因作黑痺其腹脹如水狀大便必黑時澹此女勞之病非水也腹滿者難治硝石礬石散主之

此治女勞痺之急方也。夫男子精動則一身之血俱動以女勞而傾其精血必繼之故因女勞而尿血者其血尚行猶易治也。因女勞而成痺者血瘀不行非急去膀胱少腹之瘀血萬無生路乃取皂莢以滌除瘀垢硝石以破積散堅二味相合鏡而

不猛此方之妙用也

黃痺腹滿小便不利而赤自汗出此爲表和裏實當下之大黃硝石湯

黃痺最難得汗自汗則表從汗解故曰此爲表和裏實方用大黃硝石解散在裏血結黃蘗專祛下焦溼熱梔子輕浮能使裏熱從滲道而泄也

諸黃豬膏髮煎主之

詳此治瘀血發黃之緩劑以諸黃雖多溼熱然經脈久病不無瘀血阻滯也肘後方以此治女勞瘵

身目盡黃發熱惡寒少腹滿小便難以大熱大寒
女勞交接入水所致用髮灰專散瘀血和豬膏煎
之以潤經絡腸胃之燥較硝石礬石散雖緩急輕
重懸殊散瘀之旨則一也

痺而渴者其痺難治痺而不渴者其痺可治發於陰
部其人必嘔陽部其人振寒而發熱也

痺爲淫熱固結阻其津液往來之道故以渴與不
渴證津液之通與不通也嘔爲腸胃之滯振寒發
熱爲經絡受傷於此可證其表裏陰陽而治也

黃痺者色如熏黃。一身盡痛。乃溼病也。色如橘子黃。身不痛。乃痺病也。○痺分爲五。黃汗。黃痺。殺痺。酒痺。女勞痺。○黃汗者。其證兩脛自冷。從腰已上必汗出。下無汗。腰髀弛痛。如有物在皮中狀劇者。不能食。身疼重。煩躁。小便不利。此爲黃汗。宜著芍桂酒湯。晝熱加防風。夜熱加當歸。食少加白朮茯苓。○黃痺有乾有溼。乾黃者肺燥也。小便自利。四肢不沉重。渴而引飲。梔子檳皮湯。溼黃者脾溼也。小便不利。四肢沉重。似渴不欲飲者。麻黃連軹赤小豆湯。身黃如橘子色。

小便不利腹微滿者茵陳蒿湯渴者茵陳五苓散○
穀瘴者食畢卽頭眩心中怫鬱不安遍身發黃是也
小柴胡去參加白朮炮薑膽草枳實二便秘者茵陳
蒿湯胃痺食已如饑胃熱消穀面黃瘦胸滿脇脹小
便秘赤補中益氣加豬膽汁炒川連酒黃蘗澤瀉○
酒瘴者身目發黃腹如水狀心下懊懣而熱不能食
時時欲吐足脛腫小便黃面發赤斑此因饑中飲酒
大醉當風入水所致梔子大黃湯酒瘴下之久久爲
黑瘴者前方去大黃合犀角地黃不應去地黃加桂

心桃仁穿山甲。色瘳者身黃額上微黑。小便利太
便黑。此因房事過傷血。蓄小腹而發黃。故小腹連腰
下痛。大黃附子湯去細辛加肉桂。若神思困倦頭目
昏重。脾氣不運。大便不實者。四君子湯下硝石礬石
丸。陰黃者。厥冷脈沉。或服寒涼過多。變爲陰黃。或
因過食寒物而成。四肢皮膚皆冷。心下痞鞭。眼濇不
欲開。自利。踈卧。茵陳附子乾薑湯。或茵陳四逆湯加
白朮。冷食不化。腹中結痛。去甘草加枳實白朮草豆
蔻。小便不利。加桂苓澤瀉。有瘀血發黃。大便必黑。

腹脇有塊或脹脈沉或弦大便不利脈稍實而不甚弱者桃核承氣湯下盡黑物則退○失血後崩後一切病後脾胃肺元氣大傷面色痿黃或淡白色悉屬虛從內傷治不可誤認作瘵○食勞瘵黃俗名黃胖夫黃瘵者暴病也瘵黃者宿病也至有久不愈者溫中丸裏礬丸然此僅可治實人及田家力作之輩若膏粱柔脆之人未可輕試也戴氏云食積發黃量其虛實而下之其餘但利小便小便清利則黃自退○陰嘉言曰夏月天氣之熱與地氣之溼交蒸人受二

氣爲結不散發爲黃瘰與蠱蟲無異必從外感汗吐下之法去其溼熱然夏月陽外陰內非若冬月傷寒人氣伏藏難動之比其穀瘰瘰女勞瘰則純是內傷與外感無涉仲景補內經之闕曲盡其微至於陰瘰一證仲景之方論已亡千古之下惟羅謙甫茵陳四逆湯一方治過用寒涼陽瘰變陰之證有合往轍此外無有也今人但云陽瘰色明陰瘰色晦此不過氣血之分辨之不清轉足誤人如酒瘰變黑女勞瘰額上黑豈以其黑遂謂陰瘰可用附子乾薑乎夫女

勞瘵者真陽爲血所壅閉尚未大損瘀血一行陽氣
卽通矣陰瘵則真陽衰微不振一任溼熱與濁氣敗
血團聚不散必復其陽固結始開倘非離照當空幽
隱何由畢達耶○黃瘵得之外感者誤用補法是謂
實實得之內傷者誤用攻法是謂虛虛○陰瘵誤從
陽治襲用苦寒者皆醫殺之也○在半陰半陽之證
其始必先退陰復陽陰退乃從陽治若以附子黃連
合用況且有害奈何純陰無陽輒用苦寒耶
石頑曰黃瘵證中惟黑瘵最劇良由酒後不禁酒溼

流入髓藏所致土敗水崩之兆始病形神未槁者尚有溼熱可攻爲祛痺之嚮導若病久肌肉消燂此眞元告匱不能回榮於竭澤也中翰汪先于病痺服茵陳五苓不應八月間邀石頑診之弦大而芤腎陽挾瘀結積不散所致急乘元氣尚可攻擊時用金匱神石礬石散兼桂苓丸之制以洗滌之遲則難爲力矣汪氏有業醫者以爲藥力太峻不便輕用旋值公郎鄉薦繼以公車未免縈心不及調治迨至新正二月復邀石頑相商脈轉弦勁而革眞元竭盡無餘半月

以來日服人參數錢。如水投石。延至正月下澣。道內使竊問。予謂之曰。捱至今日。小主場事可無礙矣。其後安公聯捷不及殿試。而返信予言之不謬也。同時有伶人黑癩。投以硝石礬石散。作丸。晨夕各進五丸。服至四日。少腹攻絞。小便先下。痰水大便繼下。澹黑。至十一日。痰盡。次與桂苓歸芍之類。調理半月而安。或問近世治癰。多用草頭單方。在窮鄉絕域。猶之可也。城郭愚民。亦多效尤。仁人鑒此。豈不痛歟。嘗見有服商陸根。苦匏酒。過山龍。雪裏青。鹿茸等汁。時利脫。

元而死者。指不勝屈。曾有孕婦病黃。誤用瓜蒂。搐鼻。嘔逆。喘滿。致胎息上衝。慘痛。叫號。而斃。設當此際。得何法以救之耶。答言。是皆宿孽。使然。與飛蛾觸火。無異。欲救之者。惟廣行刊布。垂誠將來。勿蹈前轍。庶不失仁人之用心。若欲手挽既覆之車。吾末如之何也。目黃。○目黃曰黃。瘰亦有目黃。而身不黃者。經云。風氣與陽明入胃。循脈而上。至目內眦。其人肥則風氣不得外泄。則爲熱中。而目黃。煩渴引飲。宜明用青龍散。殊失經旨。合用越脾加朮湯。桂枝二越脾一湯。選

用病久屬虛者理苓湯倍用桂苓凡黃疸目黃不除
或頭重以瓜蒂散搐鼻後用茵陳五苓散清利之
診○脈沉渴欲飲水小便不利者皆發黃脈洪大大
便利而渴者死脈微小小便利不渴者生凡黃家候
其寸口近掌無脈口鼻氣冷並不可治痺毒入腹喘
滿者危凡年壯氣實脈滑便堅者易愈年衰氣弱脈
虛濇而便利者難痊

嘈雜

變氣

嘈雜與吞酸一類皆由肝氣不舒。木挾相火乘其脾。胃則穀之精微不行。濁液攢聚爲痰爲飲。其痰亦從木氣化酸。肝木搖動中土。故中土擾擾不寧。而嘈雜如饑狀。每求食以自救。苟得少食。則嘈雜少止。止則復作。蓋土虛不禁木所搖。故治法必當補脾運痰。土厚載物。則風木自安。不必用伐肝之劑。六君子湯爲專藥。火盛作酸。加吳茱萸。川黃連。若不開鬱補土。務攻其痰。久久而虛。必變反胃泄瀉痞滿眩暈等病矣。

○嘈雜或食後腐化酸臭心中煩雜者保和丸○溼
痰氣滯不喜飲食者保和丸二錢越鞠丸一錢和服
○脈洪大者人多二陳加薑汁炒山梔川連滑大者
痰多導痰加連山梔○脈弦細身倦怠者六君子
加撫芎蒼朮○汁炒山梔不應合佐金丸又有用消
芎藥過多饑○能食精神漸減四君子加白芍陳皮
薑汁炒川連○心懸懸如饑狀欲食之時勿與飲食
常以枳朮丸○方抑青丸一分和服○中脘有飲則
嘔有宿食則○常變宿腐氣逆噯酸水亦有每晨

吐酸水

日間無事。脇常如酸熱者。皆中宮下清。

所致越

合佐金丸服最妙。婦人怛鬱多有此。

證。逍遙散

佐金丸。腎肝陰虛不能納氣歸元而

作嘈雜

痞滿脈必滿弱服補中二陳諸藥不効

者臨卧

九加川連侵晨用六味丸加沉香

噯氣

皆屬胃中窒塞氣不宣通上迫而出也

然有飲食

過噯出如敗卵氣者則當審所傷何物

而消導

有胃弱不能尅化而然者此宜兼補兼

消不可純用尅伐也

飢。○胃中清。○夫結。○槁。○則。○飢。○若。○平。○時。○飲。○食。○常。○飢。○者。○爲。○反。○胃。○之。○漸。○不。○可。○不。○知。

欠噫

經云。腎爲欠。爲噫。○氣鬱於胃。故欠生焉。○胃足陽明之脈。是動則病振寒。善伸數欠。○二陽一陰發病。主驚駭背痛。善噫。善欠。

胃爲二陽。腎爲一陰。以胃虛氣鬱於中。則爲噫。腎虛經鬱於下。則爲欠。內經雖以欠隸諸胃。然必由少陰經氣下鬱。不能上走陽明。胃氣因之。不舒而頻呼數欠。以泄其氣。舒其經。若少陰氣不下。應胃氣雖虛。鬱上泄。則但呼而不欠也。

人之噦者陽氣和利滿於心出於鼻故爲噦

金匱云夫中寒家善欠其人清涕出發熱色和者善噦。中寒其人下利以裏虛也欲噦不能此人肚中

中氣虛寒不能上溫肺氣則善呼不能下引腎氣則善欠故呼欠雖主胃氣不舒腎氣鬱伏所致若中寒而加火迫津氣或風激水液皆清涕出縱由土虛不能禦邪之故設兼客邪發熱而色和善噦者此表氣尚強逼邪上走空竅也亦有裏虛

不能拒邪而爲下利者。知其人必有陳寒。無陽氣以發越其邪。故欲嚏而不能也。

河間曰。嚏者鼻中因癢而氣噴作於聲也。鼻爲肺竅。癢爲火化。外風欲入而內火拒格。故發爲嚏。有嚏則風邪隨氣而散。不能入傷於經。是以傷風有嚏爲輕。石頑曰。內經金匱雖有嚏欠之因。却無方藥主治。守眞以傷風有嚏爲輕者。其人陽氣和利。雖有風邪自能隨氣鼓散。可無藉於湯藥也。於此有人素蘊溼熱。加以客邪。鼻塞不聞香臭。服細辛辛夷等藥百餘劑。

每當微風卽嚏不已三嚏之後清涕如注腦戶隱隱
掣痛諸治罔効因思金匱中寒家清涕善嚏之說遂
取鍾乳專溫肺氣之品助以人參溫中黃耆實衛鹿
茸固髓黃牛腦和丸空腹服三十丸餌及兩月數年
之病墮而愈

身重

解位

經曰肝虛腎虛脾虛皆令人體重煩冤。

身重多屬於溼。宜用健脾行滯之劑。如除溼湯。參溼湯。胃苓湯之類。虛人補中益氣加羌防。扶苓澤瀉。隨其攸利。仲景云風溼脈浮身重汗出惡風者防已黃耆湯。夏月中風溼身重如山不能轉側消暑土全散加羌活蒼朮。○腎著身體重甘薑苓朮湯。

石頑曰身重無非溼證。滯證多歸重於脾土。爲脾病是矣。又腎爲水藏。腎虛則邪水用事故。又主腎虛至。

於肝虛亦令人體重煩冤者何也。蓋肝虛則不能勝土。土無風氣亦必鬱熱上蒸而爲病矣。然肝則重於煩冤。脾則重於腫重。腎則重於痿弱。不可不辨。

解脩

尺脈緩濇謂之解脩。又云腎脈太過則令人解脩。腎氣鬱熱精不運而解脩。煩熱氣乏不欲言此腎經虛熱有餘也。河間用利腎湯大謬。宜虎潛丸清燥湯之類。肥人夏月多此皆溼熱爲患也。

脫營失精

石頑曰。嘗讀內經。有脫營失精之病。方家罕言。近惟陳毓仁癰疽圖形。僅見失營之名。究無方論主治。故粗工遇此。靡不妄言作名爲害。不淺夫。脫營者。營氣內奪。五志之火。煎迫爲患。所以動輒煩冤喘促。五火交煽於內。經久始發於外。發則堅硬如石。毓仁所謂初如痰核。久則漸大如石。破後無膿。惟流血水。乃百死一生之證。是以不立方論。良有以也。其形著也。或發膺乳腋脇。或發肘腕脛膝。各隨陰陽偏阻而聚。

其處久而不已。五氣留連。病有所并。則上下連屬。如流注然。不可泥於毓仁之耳。前後及項間。方目之爲失營也。以始發之時。不赤不痛。見證甚微。是以病者畧不介意。逮至腫大。硬痛。蟠根錯節。已極。豈待破後無膿。方爲百死一生之證哉。原夫脫營之病。靡不本之於鬱。若鬱於藏府。則爲噎膈等證。此不在藏府。病從內生。與流注結核乳岩同源異派。推其主治在始萌。可救之際。一以和營開結爲務。而開結全賴胃氣有權。方能運行藥力。如益氣養營之製。專心久服。庶

可望其向安。設以攻堅解毒清火消痰爲事。必至腫破流水。津復外滲。至此日進。參耆徒資淋瀝。其破敗之狀。有如榴子之裂於皮外。還實之嵌於房中。與翻花瘡形像無異。非若流注結核之潰後尚可圖治。亦不似失精之筋脈痿蹇也。詳脫營失精。經雖並舉。而死生輕重懸殊。脫營由於營貴後賤。雖不中邪。精華日脫。營既內亡。取復外聚。攻補皆爲扼腕。良工無以易其情志也。失精由於先富後貧。雖不傷邪。身體日減。內雖菹結。外無瑕聚。投劑各無妨礙。醫師得以施

其令澤也。然二者之病。總關情志。每每交加。而有同舟敵國。兩難分解之勢。故毓仁以失營二字括之。惜乎但啟其端。而肯綮示人之術。則隱而不發。何怪粗工謬言爲道。妄用砭石。寧免五過四失之咎歟。

脫

喻嘉言曰。夫人之身。陰陽相抱而不相離。是以百年有常。故陽欲上脫。陰下吸之。不能脫也。陰欲下脫。陽上吸之。不能脫也。卽病能非一。陰陽時有亢戰。旋必轉勝。其平雖大醉大夢。亂其常度。使魂魄不能自主。精神上下離決矣。蓋上脫者。皆是思慮傷神。其人必汗面如渥丹。妄見妄聞。如有神靈。閉目轉盼。覺身非己。有恍若離魂者。然下脫者。多緣房勞傷精。其人必翁少氣。不能飲食。大便滑泄無度。小便清利倍常。或

夢寐走泄。晝夜遺精。或精血并脫。不能自主。復有上下俱脫者。良由上盛下虛。精華外脫。其人必嗜肥甘。好酒色。而體肥痰盛。往往有類中之虞。嘗見有壯歲無病。一笑而逝者。此上脫也。少年交合一注而傾者。此下脫也。顛仆遺尿。喘鳴大汗者。此上下俱脫也。治法要在未脫之先。尋其罅漏。緘固之。若不識病因。而搏搜以冀弋獲。雖日服人參。徒竭重資。究鮮實益。總不解陰陽離決之機。何藏使然。若能洞鑒隔垣。隨上下援救。使陰平陽秘。精神乃治。烏有暴脫之患乎。

石頑曰脫之一證內經雖有精脫者耳聾氣脫者目
不明難經又有脫陽者見鬼脫陰者目盲等說咸非
喻子所言之暴脫也夫暴脫之患每嘗見於膏粱充
飫之家。蒸常艱虞之輩。未之有也。其於百藥之中。惟
鳴於醫者。細心竭力以博虛聲。非他技術。但勞形而
神氣無傷之比。昔沈剛仲先生抱病赴高澹遊之招。
歸卽喘汗而脫。兒科趙蕙田。輕舟應鳴先項公之請。
比及到崖。舟子呼之不應。脫然而逝。吳羽仁先生先
予而侯如農姜公適予踵至。時方瘀血大下。氣亂脈

喘難。以。讓。藥。姑。待。平。旦。氣。清。之。時。診。決。庶。無。差。誤。握
手。言。別。切。切。囑。予。歸。當。謹。察。病。機。毋。失。氣。宜。訂。期。明
晨。早。至。共。圖。竭。厥。之。治。詰。朝。坐。候。吳。子。不。至。詢。之。姜
使。云。是。昨。暮。復。過。半。塘。坐。脫。肩。輿。之。中。因。思。所。囑。之
言。乃。知。仁。人。之。用。心。直。至。形。離。神。散。而。不。自。覺。又。安
能。於。未。脫。之。先。尋。罅。漏。而。爲。緘。固。耶。嗟。予。朽。落。一。息
僅。存。尚。不。能。謝。此。煩。勞。因。書。以。爲。前。車。之。鑒。并。爲。同
人。保。生。之。勸。

過饑胃竭

人賴水穀以生水穀敷布則五藏安和水穀阻逆則百病叢生水穀廢絕則性命傾危以胃爲水穀之海五藏之本也惟是病邪糾結於胃不能行出納之令者切勿強與以益病邪以胃中邪熱蘊隆痰食阻滯故雖一句一氣不食不足爲慮非若無病之人脾氣時時消磨不可旦晚缺食也故越人有平人不食水穀七日則死之說而最爲切禁者傷寒之無汗脈緊爲寒傷營證及汗不得出而煩躁之營衛俱病其胃

中營氣爲寒邪所傷。既鬱遏而爲熱矣。若不奪其飲食。必轉助邪爲虐。爲害不淺。更有揮霍撩亂。胃氣反戾之證。誤進穀氣。禍不旋踵。至於自汗脈緩之風傷衛證。雖同感客邪。只傳經絡。不傳胃府。便無禁食之例。觀仲景桂枝湯後云。啜熱稀粥。以助藥力。於此可見。不當藥爲禁止也。非特桂枝湯用熱稀粥。以助藥力也。卽寒傷營之尺中微弱者。用小建中。取膠飴之祿。猶作甘引。桂枝之辛溫。留戀中焦。以助胃祛邪。卽是熱稀粥之法。且釀去香滓。無質滯者。則不助邪。

熱故寒傷營亦得用之。較熱稀粥之法更進一層矣。仲景爲傷寒立法之祖。必無誕妄之言。欺誤後世之理。祇緣聖法久湮。故近世醫流。凡遇發熱頭痛。有似外感之類。無論病之虛實。證之表裏。熱之真假。槩以傷寒目之。必先禁止飲食。混與通套。疎風消尅之藥。在質壯氣實人得之。雖未中款。稍借行表之勢。便可熱退身涼。安知胃氣有權者。感邪不深。雖不服藥。自能蒸發正汗。所謂壯者氣行則已也。苟元氣虛人。胃中津液本少。且復奪其飲食。藥雖中病。尚難作汗。況

堪恣行表藥。重傷本虛之胃氣乎。曷知脾胃之氣全賴水穀資其轉運。與車輪戽水不異。今以旣病垂絕之胃。尚欲俟其胸膈開爽。始進穀氣。猶埋輪旱麓。待水漲而後戽之。則苗之不槁也幾希矣。縱饒倖不死。元氣削伐。逮盡少年者。日漸尪羸。多成虛損。高年者暗損元神。促其天年。皆由習俗好用攻剋。不顧正氣所致。蓋病之有發熱頭痛者。未必盡爲傷寒。假如內傷勞倦。陰虛火炎。槩以傷寒法治之。是速其夭札也。予業擅傷寒專科。六十年來。日擊誤奪飲食。至劇致。

斃者未遑枚舉。嘗見餓久之人。脾氣不運。雖經旬累。月愈不思食。庸工不知。以爲尚有宿食。猛進寬胸破氣之藥。每每激其虛陽。上浮外泛。而致頭面不時烘熱。醫者復認表邪未盡。重與發散。硝黃柴葛枳橘之屬。恣無忌憚。不死不已。亦有腸胃久絕。穀氣大便枯竭。不行而欲妄議攻下者。此胃氣虛極。無論攻伐之藥。不能勝任。卽調補藥。亦難勝任。但當頻與粥湯。微助胃氣。以俟津回。庶或可救。而餓久之人。粥食到口。雖極甘美。然多有食下作嘔者。或食下少頃作酸者。

或膈間迷迷不爽者。或腹中隱隱作痛者。或腸中響響不已者。此皆三腕閉約。痰氣阻礙之故。病家不明此理。往往惑於師巫及親朋左右之言。猶豫不敢進食。因循日久。終成不救者多矣。曷知胃氣久虛之人。胃有不時悶熱。非助以穀氣。則虛火不除。則有胸膈痞滿。非助以穀氣。則大氣不運。即有大便枯約。非助以穀氣。則津液不潤。蓋新穀氣運。則宿滯始能下通。若能認定關頭。頻與稀糜。俟胃氣稍復。漸以稠參保元四君異功之類調理。如此百發保全者亦頗不少。

但不可猛進強進及添水復熱者。搪塞一時。重傷衰
竭之胃氣。反歸咎於調治也。經云。漿粥入胃。則虛者
活。所以往往令其勿藥。以收十全之功耳。

飛疇治一婦。嘔惡胸滿。身熱六脈弦數。無力形色
倦怠。渴不甚。飲云。自遊虎丘。暈船吐後。汗出發熱。
頭痛服發散四劑。頭痛雖緩。但脹暈不禁。復用消
導三四劑。胸膈愈膨。聞穀氣則嘔。眩因熱不退。醫
禁粥食已半月。惟日飲清茶三四碗。今周身骨肉
楚痛。轉側眩暈。嘔噦。予曰。當風中汗外感有之已。

經發散矣。吐則飲食已去。胃氣從逆。消尅則更傷脾氣。脾虛故脹甚。今無外感。可散無飲食。可消脾絕穀氣。則嘔止。受水尅則暈。卽使用藥。亦無胃氣行。其藥方惟與米飲繼進。稀糜使脾胃有主。更議補益可也。因確守予言。竟不藥而愈。

藥鼎

藥之治病不得已也。古人以不服藥爲中醫。厥有旨哉。嘗聞古聖垂誨。靡不反覆詳慎。至立方之下。每云。中病卽止。不必盡劑。其鄭重有如此者。近世豐裕之家。畧有小病。卽從事於醫藥。元氣堅固者。無論治之。中歟與否。但得開通病氣。元神自復。若稟質素弱。及病後產後。亡血脫瀉之後。不能卽愈。日以湯藥爲務。多致輕者重。而重者劇。病氣日增。飲食日減。以致寒熱欬嗽。吐痰吐血。諸證百出。而猶以爲藥力未逮。邪

熱未除日以清火消痰爲務遂成藥蠱之病矣夫人之胃氣全賴水穀滋養胃氣旺則諸病不生縱有賊邪侵犯氣復自己原無急於調治也嘗見世人不得盡其天年者大都皆醫藥之誤耳今旣病之胃轉爲藥力所侵不至四大分崩不已末流之挽雖日事參苓薏朮如以漏器承漿漫無盈滿之期况堪克任偏勝性味乎凡虛羸之疾治之不能卽應當暫爲休息以俟胃氣之復不特藥蠱爲然也其藥蠱之患有三一者胃氣爲藥所汨飲食不爲肌膚而骨不支床一

者藥毒流於坎陷。少火不能內藏而煩蒸髓極一者。脾傷不能散精。藏氣固結不舒而羸瘦腹大。雖有脾腎之分。所重全在胃氣。胃爲五藏之本也。此惟膏粱。參養者有之。在藜藿勞勩之人未之見也。其治藥蠱之病。當屏絕一切苦寒降泄。辛熱升發。氣味濃烈之藥。祇宜小劑參耆甘溫養胃之品。庶爲合宜。如獨參保元之類。以圖陽生陰長之功。若虛火僭逆稍加秋石以引參耆之力。入於陰分爲止逆下氣之首藥。無寒涼傷胃。奪食作瀉之虞。若肺熱自汗不止。當歸補。

血六味地黃少少與之一爲血虛發熱一爲陰虛發熱之專劑勿以迂緩而忽諸若貪功而妄行雜治則與抱薪救焚不殊也况有中氣久爲藥憊畏食泄瀉或下利膿血無論寒熱補瀉卽獨參理中下咽必增煩劇卽宜屏除藥石但與稀糜養其胃氣次以餽核助其氣血五穀爲養五肉爲助未嘗不爲軒岐要旨也常知藥蠱傷胃則胃之畏藥所不待言惟穀神敷布日漸向安經云安穀者昌安穀者過則未聞服藥得以長生也操司命之權者何不思之甚耶

臭毒

臭毒俗名發沙。皆由中氣素虧之故。蓋脾胃之所喜者香燥。所惡者臭溼。惟脾胃真氣有虧。或素多溼鬱。所以不能主持。故臭惡之氣得以直犯無禁。發則腹痛。不能飲食。或上連頭額俱痛。或下連腿及委中俱痛。甚至有欲吐不吐。欲瀉不瀉。或四肢厥逆。面青脈伏。或遍體壯熱。面紫脈堅。此平昔火衰火盛之別也。有痛死不知人。少間復蘇者。有腹痛不時上攻。水漿不入。數日不已者。欲試真否。但與生黃豆嚼之。覺香

甜者卽是臭毒。覺腥者非也。舉世有用水搭肩背及
臂者。有以苧麻水溼刮之者。有以磁碗油潤刮之者。
有以磁鋒鍼刺委中出血者。有以油紙點照。視背上
有紅點處。皆烙之者。總欲使腠理開通之意。又有以
冷水嚥椒數十粒者。有以白礬生研冷水調服二三
錢者。然椒性辛散。誤餌無妨。礬性酸澇。苟非臭毒。爲
禍不淺。多有誤認食積。屢攻不愈。綿延十日半月而
死者。常見有大飲冷水而變下痢者。亦有飲水停於
肺中而變水腫者。有誤服礬水。呃逆嘔噦不止者。有

刺委中去血過多移時而死者亦有傷寒陰證腹痛
誤刺委中及飲冷水而致不救者又有內傷冷食腹
痛誤刺委中而致轉劇者誠可憫也按此腹痛乃陰
邪穢氣鬱遏脾胃中伏火兩邪相擊而致每苦時常
舉發藥之不應古法有初得病時飲以艾湯試吐卽
是此證有以蠶退紙泡湯飲之溫覆取汗蓋蠶性浴
痰祛風利竅其紙已經鹽過而順下最速也余嘗謂
此證旣屬中土氣衰穢氣內賊便當用利氣藥以散
穢濁之氣合用一味香附童便浸晒爲末停湯頓服

四五錢立効。或越鞠丸沉香降氣散亦佳。又脾虛挾火兼犯穢氣。則心腹擾痛。上下不通。俗謂之乾霍亂。近世謂之絞腸沙。以穢氣在外固結不散。火邪在內攻擊不開。故爲證最急急。以鹽置刀頭燒紅。淬水中攪勻灌吐。以升提鬱閉之氣。然後以藿香正氣散放溫與之。曾見有熱服湯藥而斃者。有服玉樞丹蘇合香丸而愈者。然不若鹽湯和童便爲最。點眼砂亦佳。但凡臭惡腹痛脈或伏或細。小微瀯或堅勁搏指中而帶促結。皆是陰逆陽伏之象。不可誤認陰寒而投。

熱藥致動其火爲害不可勝言非但熱藥當禁卽砂
仁辛溫香竄生薑辛辣上升氣酒辛烈助火皆當忌
之熱湯亦切勿與熱浴尤爲大忌熱則上衝莫制也
若見面青脣黑脈勁搏指脈逆喘促者多不可救也

番沙

嘗攷方書從無沙證之各惟觸犯臭穢而腹痛嘔逆。世俗以磁器蘸油。到其脊上。隨發紅斑者謂之曰沙。其則欲吐不吐。欲瀉不瀉。乾嘔絞痛者。曰絞腸沙。近時有惡惡毒異氣。而驟發黑沙。俗名番沙。卒然昏倒。腹痛。面色黑脹。不呼。不叫。如不惡治。兩三時。卽斃。有微發寒熱。腹痛。麻痺。嘔惡。神昏者。或澀澀汗出。或隱隱發斑。此毒邪。發於表也。亦有發卽瀉利。厥逆。腹脹。無脈者。此毒邪。內伏。不能外發也。所患最暴。多有

不及見斑而殂者。經謂大氣入於藏府。雖不病而卒死是也。初覺先將紙撚點。燂頭額。卽以蕎麥焙燥去殼。取末三錢。溫湯調服。重者少頃再服。卽安。蓋蕎麥能鍊腸胃。泮穢降氣。寬胸而治濁滯。爲沙毒之簡藥。但服過蕎麥者。後患別病。藥中有綠礬者。切勿犯之。其毒甚而黑者。急於兩膝後委中穴。砭出黑血。以泄毒邪。蓋驟發之病。勿慮其虛。非此急奪。束手待斃。以此病起於漠北。流入中原。故以番沙目之。原夫此病與疔癰相似。瘴則觸冒山嵐。瘴氣此則觸冒惡毒。異

氣與時行疫癘不殊。但時行則沿門闔境傳染。此則一人驟感。死於一日半日之間。不似時行之可以遷延數日也。又此病感傷寒之伏氣相似。伏氣發溫熱毒自裏達表。此則一身驟感。異氣無分表裏。藏府亦不似中寒。暍暑本虛。不勝寒暑之暴也。又此病與揮霍撩亂相似。霍亂是客邪與水穀之氣相併。此則正氣暴逆。不能與邪相立也。又此病與關格相似。關格是上下不通。病純屬裏。此則兼有斑沙表證也。大畧與臭毒相類。然臭毒所觸穢氣。此則觸胃惡毒。較之

疫癘尤劇。初起昏憤不省脈多沉匿不顯。或渾渾不
清。勿以腹痛足冷而與溫藥。倘蕎麥一時難得。或服
之不應。卽宜理氣爲先。如香蘇散加薄荷荆芥。辛涼
透表。次則辟邪爲要。梔子豉湯加牛蒡生甘草解毒
安中。表熱勢甚。清熱爲急。黃芩湯加連翹木通。分利
陰陽。如見煩擾腹脹脈來數疾。急投涼膈散。如局方
以竹葉易生薑。則毒從下奪。熱劇神昏。雖合三黃多
不可救。煩渴引飲。遺尿速清。陽明白虎湯加葱豉。使
毒從表化。以上諸法。在未經誤藥。庶可挽回一二。若

病家疑信未真。慎毋輕治。脫或變生。反掌取咎。未便
曾見一商。初到吳會。暢飲酣歌。席間霎時不安。索生
薑湯一啜而逝。又有朔客到楓。覓混澡浴。忽然眩暈
嘔逆。到舟卽斃。繼有醫者。飯後寒熱腹痛。手足逆冷。
不終夕而告殂。更有文學鄉居。到郡作弔。歸卽腹痛。
坐立不寧。語言不次。然見客猶能勉力作掛診之六
脈。模糊是夜。卽便捐館。邇來卒患腹痛死者。比比皆
然。雖無斑現。靡不謂之番沙。近有年少新婚。陡然腹
痛麻痺。或令飲火酒半甌。而腹痛轉劇。旋增顛厥。身

發紅點。與蘆根汁得吐。迺解。復有鼻衄。口燥。胸腹畧見紅斑。嘔童子小便稍寧。醫與葱白香豉濃煎。仍入童便。續續與之。得大吐。汗出而痊。若斑點淡赤。毒在血分者。濃煎茺蔚。少投生蜜。放溫恣服。取効最捷。以其專下惡血也。或加生萊菔汁半杯。總取散血之功。且有誤認傷寒而與發散。周身嫩紫如雲而死者。亦有誤認麻疹而與櫻柳櫻桃核湯。咽痛失音而死者。況有停食感冒。誤認番沙而與寒涼解毒。反減去衣。被不愼風寒。煩熱躁擾而死者。以其卒犯惡毒異氣。

無以脈診。故辨治尤難。是以近世多用火燂砭刺之
法。須知因感惡毒異氣而致者。此屬外因。火燂爲當。
因觸臭毒穢氣而致者。不內外因。非砭刺不足以
奪其勢。然刺之無血不可放也。

嶺南瘴毒

嶺南炎方瀕海地。外土薄。故陽氣常泄。陰氣常虧。四時放花。冬無霜雪。一歲之間。暑熱過半。窮臘久晴。或至推扇。人居其間。氣多上壅。膚多汗出。腠理不密。蓋陽不返本而然也。陽燠既泄。則使人本氣不堅。陽不下降。常浮而上。氣浮而不堅。則汗府開。疎津液易泄。故內寒外熱。上熱下寒之證。所由生也。治當固陽氣。實腠理爲主。若多用表散之藥。則陽氣愈虛。風邪益盛。鮮有不誤者矣。確係外邪爲患。則當蒼朮。苓連湯。

解散之。○春秋時月人感山嵐瘴霧之氣發寒熱胸
膈飽悶不思飲食。此毒氣從鼻口入內也。治當清上
焦。解內毒。行氣降痰。不宜發汗。蒼朮苓連湯。頭痛甚
者。去木通黃連。加藜木葱豉。若寒溫失節。汗身坦露。
感冒風寒之氣。氣閉發熱。頭痛。此則傷寒類也。但嶺
南氣溫易汗。故多類瘧。南方氣升。得此病者。卒皆胸
滿痰涎壅塞。飲食不進。與北方傷寒只傷表而裏自
和者不同。治當解表清熱降氣行痰。蒼朮羌活湯。若
內停飲食外感風寒者。霍香正氣散。若脾氣虛弱而

寒熱作嘔平胃散加半夏木香名不換金正氣散○
瘧瘡寒熱往來者蒼朮柴胡湯瘧久者加人參當歸
汗多者去蒼朮易白朮加白芍○大凡病久而氣虛
血弱者必發熱須用四君之類調補脾胃脾胃一健
氣血自生若認爲血虛而用四物沉陰之劑則脾主
復傷諸藏皆病虛證蜂起反爲難治甚至不救○瘧
後變成痢宜從虛治補中益氣湯有熱加芩連有食
加木香砂仁若溫暑之月民病天行瘟疫熱病治宜
清熱解毒之劑蒼朮白虎湯加人中黃○若時氣發

熱變爲黃病所謂瘟黃也。治宜清熱利溼。茵陳五苓
加人中黃連檉。○若中氣虛寒。四肢厥冷。或浮腫黑
黃者。用理中湯加茵陳桂苓。

飛疇曰。粵西傍交趾一帶。猪雞之屬。俱煮湯滌去。更
煮食之。其米亦然。且不能多食。稍過則腹悶。總由瘴
毒漸毓所致。其日出時有氣如蘭香。口中時有氣如
茉莉香。日沒時有氣如炊新米香。如此。每日三氣。急
掩口鼻。勿語言。以避之。其解之者。寒熱如瘧。三四日
死。元氣稍旺者。數日死。當此急服藿香正氣。蒼朮羌

活湯猶可救之。下賊官其地不三月而只存一口。乃元氣充裕者然亦病幾於危。故什任及客遊其處者。切須知之。否則無不蒙其害者矣。

中蕩氣者。心內煩悶。少氣頭前。頭懸起。則頭眩。或身微寒。戰掉不安。時復增寒。心中欲吐。乾嘔無物。此清陽之位。受濁陰之邪氣也。不可耗氣傷津。惟于豉湯加葱白。漏散之。頭痛甚。加草木煩悶。加水香薷香之。類謬仲淳經疏。只用藁水。木香水煎服。大抵蒸發之邪。必中在上在表。故宜漏之。總無關於藏府也。

蟲

蟲由少陽風木淫也鬱蒸而成觀日中有雨即禾節生蟲人患蟲積多因饑飽失宜中脘氣虛溼熱失運故生諸蟲小兒最多大人間有其候心嘈腹痛嘔吐涎沫面色痿黃眼眶鼻下有黑嗜食米紙茶葉泥炭之類沉沉默默欲眠微有寒熱治宜隨證用方如心腹中痛上下往來發作有休時喜涎出者蟲也烏梅丸胃脘絞痛發歇有時痛發則吐涎沫全蠍丸疳丸狐疑善惑者妙功也噎膈嘔吐者剪紅丸肚腹常熱

者化蟲丸四肢常冷者集効丸腹中蟲積萬應丸腸
上痰溼蟲積遇仙丹殺道生瘡蟲蝕癢痛膠艾菊歸
湯外用雄黃兌法隨證取用無不克應也千金方用
猪膽一枚苦酒半升和之火煎令沸三上三下藥成
旋溫空腹飲三滿口蟲死便愈治虻攻心痛神應
仁齋云血入於酒則爲酒鱉血凝於氣則爲氣鱉敗
血雜痰則爲血痰掉頭掉尾上侵胃脘食人脂膜或
附脇背或隱胸腹惟蕪荑炒煎服之然必兼養胃益
血理中乃可殺之若徒用雷丸錫灰不能去也

治蟲之藥必在夏月龍蛇起陸之時服之方易奏功
若在萬類蟄藏之際雖有合劑不能取効也丹溪以
上半月蟲頭向上易治當以上半日爲是先以糖蜜
肉汁香甜物引起後用殺蟲藥然須爲散以清滓可
入蟲口也○痔漏中蟲蝕下部肛輩穿腸者取蝦蟇
青背者一枚入蘆薈一錢用生雄雞脰骨二莖入清
雄黃並川鹽泥固濟燒存性合和爲散入麝香細砂
各少許再研極細先以豬蹄甲三枚胡葱七莖煎湯
日洗紙拭裏乾吹下部孔內令深入外以黑膏蓋之

日吹一次以管盡爲度如或希奇怪病除痰血外百
治不効者卽是蟲爲患視其經絡虛實筋脈證消息
治之○蟲在肝令人恐怖眼中赤癢在心心煩發躁
在脾勞熱四肢腫急在肺欬嗽氣喘醫者不察謬指
凡動風火屬痰寒涼轉傷脾胃卒至天枉自非垣視
一方者烏能辨哉婦人陰蝕之蟲詳婦人本門
石頑曰蟲之爲病多端遇之卒不能辨昔人治例有
雷丸治應聲蟲之說近有女子欬逆腹痛後忽喜呼
叫初時呀呷連聲漸至呿語不已變易不常或如母

雞聲或如水蛙鳴或如舟人打號每作聲聲日發
十餘次忍之則胸中悶悶不安此爲時蟲即應聲蟲
之類也復有一人患發熱痞滿後常兀兀欲吐吐中
必有蟲數枚狀如蝦形跳躍不已諸治不應或令服
銅綠涌之不過二三度遂絕不復見矣

蠱毒

別工 蠱毒

諸毒

南與蠱毒有數種。曰蛇毒、蜥蜴毒、蝦蟆毒、蜈蚣毒、金蠶等毒皆是變亂元氣。人有過造作之者。卽謂之蠱也。多於飲食內行之。與人禍患。禍患於他。則蠱主吉利。所以人蓄事之中。其毒者。心腹絞痛。如有物齧。或吐下血。皆如爛肉。或好卧闇室。不欲光明。或心性反常。乍喜或四肢沉重。百節痠疼。或乍寒乍熱。身體習習而痺。胸中滿悶。或頭目痛。或吐逆不定。或面目青黃甚者。十指俱黑。診其脈緩大而散。皆其候。

也。然其毒有緩有急。急者倉卒或數日便死。緩者延引歲月。遊走腸內。蝕五藏。盡則死。其死時皆從九孔中。或於脇下肉中出。所以出門須帶雄黃麝香丹砂。辟惡之藥。卽白蠱。狐狸老物精魅不敢著人。彼處之人亦有灸法。初中蠱毒。卽於心下捺定。便大炷艾灸百壯。又於足小指尖上灸三壯。當有物出。酒上得者有酒出。飯上得者有飯出。肉菜上得者有肉菜出。卽愈。皆於灸瘡上出。欲驗之法。當令病人唾水沉者是蠱。不沉者非蠱也。初覺中蠱。急服玉樞丹或吐或利。

隨服便痊○南方有青蠱之鄉於他人家飲食卽以
犀角攪之白沫起卽爲有毒無沫者卽無毒也凡嶺
南蠱毒之鄉卒患血痢或赤或黑無問多少皆是蠱
毒或遍身腫滿四肢如故小便不甚瀉滯粗醫不察
誤作痢治水治日復增加奄至殞歿當知蠱主姓名
使之呼去欲知之法以敗鼓皮燒作末飲服方寸匙
須臾自呼蠱主姓名令其解散自愈又有以蛇涎合
作蠱藥飲食中使人得此瘕疾生大豆末酒漬絞汁
服半觔○凡初中毒在膈者歸魂散吐之已下膈者

雄硃丸下之一切蠱毒心腹脹滿不得喘息或下利
膿血太乙追命丹耆婆萬病丸救之吐利後惟覺後
心刺痛拘急咽中如矛刺者此是取利後氣乏故也
更不須再服吐利藥但用一味苦梗爲散每服三錢
米飲調下日三服多服自然平復使毒日漸消散不
致再發○丹方用蠟皮燒灰桃根皮煎湯服方寸匙
蠱便出又方用苦瓠一枚苦酒二升或水煮一升服
之當下蠱毒及一切蝦蟇蝌蚪之狀一月後乃盡
射工溪毒○孫真人曰南方有射上毒蟲一名短狐

溪毒一名域形如甲蟲無目利耳有一長角在口前如弩以氣爲矢因水勢以射人人或聞其水中鈹鈹作聲要須得水沒其口便以口中毒射人此蟲畏鷺鷥能食之其初見證有似傷寒先惡寒寒熱筋急亦如中風便口噤不能語朝鮮暮劇寒熱悶亂是其證也如得三四日急以五香散治之稍遲者七日死射著人影者不卽作瘡先病寒熱自非其地之人不知其證便謂傷寒每多誤治中人頸而尤急腰已上去人心近多死腰已下稍緩不治亦死

孫真人云。凡山水有毒。緣人涉水之時。中人似射。工而無物。其初得之。惡寒。微頭痛。目睞疼。心中煩懊。四肢振。腰背百節皆強。兩膝痛。或翕翕而熱。但欲眠。旦醒。暮劇。手足逆冷。至兩膝。二三日。腹中生蟲。蝕人下部。臍中生瘡。不痛不癢。令人不覺。不急治之。過六七日。下部出膿。蟲上蝕人五藏。熱盛毒煩。下痢不禁。八九日。良醫不能治矣。其毒有陰陽之異。覺得之急。視其下部。若白蟲。色赤如截肉者。爲陽毒。最急。瘡如鯉魚齒者。爲陰毒。稍緩。要皆殺人。不過二十日也。

欲知是水毒與非者當以小蒜五升投湯中浴之是水毒身體必發赤斑急服解水毒飲子多磨生犀汁調服東南郡縣山谷溪源有水毒病亦名溪瘟亦有陰陽之辨脈洪大而數者爲陽先宜發汗及浴脈沉細而遲者爲陰急當攻裏凡解澗水毒生犀角磨水調雄黃末二三錢頻以麻油灌之稍久則用牽牛大黃雄黃蜈蚣蠟梢末宰生羯羊血調灌之欲審是中水毒者手足指必冷若不冷者非也

中諸毒一切毒中雖各因氣味而歸諸藏府然必

胃先受之。而後流及其藏也。金匱云。凡煮藥飲汁。以解毒者。雖云救急。不可熱飲。諸毒病得熱更甚。宜冷飲之。食自死六畜肉中毒。燒犬尿酒服方寸匕。或大豆煮汁飲數升。或水浸豆豉絞汁旋飲之。食馬肝中毒。以雄鼠屎二七粒爲末。水和日再服。食馬肉中毒。血洞下欲死。以香豉杏仁爲散服之。或者煮蘆根汁飲之。食牛肉中毒。狼牙燒灰取方寸匕水服之。食犬肉不消。堅滿腹脹大渴如狂。以杏仁一升。合皮研煮分溫三服。利下肉片大驗。食蒲葯中毒。搗生薑汁服之。

生大豆汁亦得。凡肉在器中，密蓋不泄氣者，謂之鬱肉。食之傷人。燒狗屎末，方寸匕，水調服之。食毒箭射死鳥獸中毒，以大豆煮汁及鹽服之。食魚中毒，面腫煩亂，橘皮煮汁，停冷服之。食鱸多不消，結為癥病，厚朴、大黃煮汁服之。或馬鞭草一味，搗汁飲之。或薑搗汁飲之。食鰕鮓中毒，以薑根煮汁服之。食蟹中毒，以冬瓜汁服之。或紫蘇煮飲之。食諸果中毒，以猪骨燒灰服之。食諸菌中毒，及食楓樹上菌而笑不止，人糞汁飲之。土漿亦可。或嚼生大豆吐之。鈎吻與芹菜相

似誤食殺人。以薺苳煮汁服之。又甘草煮汁飲之。通
除諸毒藥。○中石藥毒。白鴨屎人乳解之。中雄黃毒。
防已解之。○中砒毒者。煩躁如狂。心腹攪痛。欲吐不
吐。羊血不拘多少灌之。或清油糞清亦可。切戒與酒。
火酒尤忌。○中巴豆毒者。其人大瀉。或吐煩渴。急以
黃連煎湯。或甘草湯冷飲。倉卒權飲冷水亦好。忌食
熱物并熱性藥物。○中蠐螬芫青毒者。吐逆不止。急
煎萊豆湯。或黑豆湯溫服。猪膏地漿葵子汁並解之。
○中大黃毒者。泄瀉不止。腹中寒痛。先用鹽湯熱飲。

次以理中湯理胃祛寒。○中大戟毒。菖蒲解之。○中
甘遂毒。大豆煮汁服之。○中半夏南星毒者。其人喉
間麻痺。急用薑汁細呷。并飲甘草湯。○中躑躅毒。槐
子煮汁服之。○中野芋毒。地漿人糞汁解之。○中杏
仁毒。藍汁解之。○中芫花毒。防己。防風。甘草。桂汁解
之。○中野葛毒。地漿解之。○中藜蘆毒。葱湯下咽。便
愈。○中射罔毒。藍汁。大小豆汁。生羊血。並解之。○中
蜀椒毒。人尿。地漿。冷水。並解之。○中莨菪毒。甘草。藍
汁解之。○中川烏附子毒者。必煩悶。唇裂。血流。頭重。

如斗急與生萊菔汁解之。蜜便亦可。次煎萊豆黑豆湯。二三沸卽與冷服。然不若甘草湯入腹卽定。誤服伏火丹砂中毒。則毒歸心臟。其舌灰黑。脹大。急宜童子小便飲之。次以金汁及人中黃解之。或濃煮黑豆汁解之。或搗生萊豆汁解之。或生羊血或磨犀角水並解之。○服風藥多汗。悶亂不醒。先以醋湯灌之。次煎甘草湯。同薑汁頓服。○夏秋間誤食停宿之物。中有蜈蚣蛇蟲等毒。則心腹膨悶。雄黃磨水細飲。玉樞丹磨服亦効。○蜀椒閉口者。有毒。誤食。殺人咽喉氣。

欲絕急以地漿水解之。○六畜肝藏常有毒。馳馬更甚。自死者尤毒。用豆豉以水浸絞取汁。旋飲之。○馬噬人及踰人毒。腫熱痛作瘡。馬鞭梢鼠屎燒灰。猪膏塗之。○馬齧人陰卵脫出。急令推入。桑皮線縫。○生烏雞肝塗上。欲小便忍之。○牛馬齧人及馬骨刺傷人。龜灰淋汁熱漬。數易汁。勿令瘡爛。○馬血入瘡中。婦人月水。或人糞塗之。○刺死馬骨傷人。毒攻欲死。便取馬腸中屎塗之。○中河豚魚毒。急取蘆根搗汁服之。輕則清油多灌。使毒物盡吐出。亦須週時而愈。

或橄欖搗自然汁其則蕪清灌之○食鼈中毒乾薑
山查煮汁飲之誤食蛇穴中蟹膽令人頭旋目眩腹
痛而死急磨玉樞丹救之凡蟹重一觔外者人毒食
之殺人○誤吞蜈蚣胸腹絞痛先飲生雞血須臾以
清油灌吐其蜈蚣滾在血中同出繼以雄黃細研水
調服○誤吞水蛭生雞血調黃土丸服白下或以鹽
梅水灌之則化○中漆生蟹搗汁塗之○治諸食
中毒磨犀角汁飲之無不治也或苦參酒煮服之解
一切藥毒不問草石始覺便以葱豉生麥門冬煮取

汁服之

藥對解法

凡藥相對者誤服以防解殺諸法附列於左

鍾乳對木其治主肺上通頭胸木動鍾乳胸塞短氣
鍾乳動木頭痛口疼又鍾乳雖不對海蛤海蛤能動
鍾乳然鍾乳與木爲患不過此也發動之始體中有
異與上患相應速宜服葱白香豉甘草吳茱萸湯解
之纔服便令人按摩搖動日中嚼物然後仰臥覆汗
汗出去覆服湯熱飲卽用冷淘飯壓之若服不解復

用前湯去萸加桂。若已解。肺家尚有餘熱。第二方加麥門冬。

硫黃對防風。又對細辛。其治主脾腎。通主腰。防風動。硫黃煩熱。脚疼腰痛。或嘔。或下痢。不禁。防風細辛能動。硫黃不能動。彼始覺發。便宜服杜仲。枳實。甘草。香豉。梔子。李核仁。服如上法。不解。復服大麥奴。甘草。人參。芒硝。朴心。麥門冬。若服此已解。猶有餘熱。氣或冷。復服人參。乾薑。附子。甘草。當歸。白石英對劑子。其治主胃。通主脾腎。附子動。白石英。

煩熱腹脹白石英動附子嘔逆不得食或口噤不開
或手足疼痛始覺宜服麥門冬甘草麻黃香豉不解
再服大黃香豉梔子甘草服如上法頻服湯下便止
不下再服若熱勢未除而渴復服活潑根大麥奴甘
草葱豉若已解胃中有餘熱復服芒硝桂心通草甘
草白朮大棗李核仁○

紫石英對人參其治主心肝通主腰脚人參動紫石
英心慧而痛或驚悸不得眠卧恍惚忘悞失性發狂
乍寒乍熱耳聾目暗始覺宜服人參白朮甘草桂心

細辛香豉服如上法。若嘔盛加大黃黃芩梔子。若忘
悞狂發未除。復服葱白香豉麥門冬甘草人參。服如
上法。溫覆使身稍汗。便解。若有餘熱。更服人參防風
桂心白朮生薑。

赤石脂對桔梗。其治主心通主胸背結。便動石脂心
痛寒禁手足逆冷。心中煩悶。赤石脂動桔梗。頭痛口
赤。身體壯熱。始覺發。便宜溫酒飲之。須酒勢行。則解
或大麥炒令汗出。勿焦。搗細末。冷水和服。
礬石無所偏對。其治主胃發則眩暈。赤石脂。

強痛生瘡。始覺發。卽服葱白香豉甘草湯。已發身體。卽便生瘡。宜服麥門冬人參甘草桂枝湯。葱白香豉。附子對白石英。亦對赤石脂。附子發。則嘔逆脚疼。體強骨節痛。面腫發。則飲酒服熱麴。自解。與白石英同解。

赤石脂紫石英發。宜飲酒。得酒則解。凡藥發。或有宜飲熱酒。不可一槩也。已上解救藥。誤入則出千金方。

金太傅孫古修。誤服伏火丹砂中。毒總治於石頑。

察其本元素虧近因虛火上炎舌下腫脹延及兩
頤醫用苦寒清熱太過神思不寧藥中每服加丹
砂五錢甫進一劑覺胸中有物觸者數次次早請
政於醫復出丹砂視之色黑而晦丹爐中伏火砂
也醫令易砂更服四劑晝夜煩躁不寧背時洒淅
惡寒頭面烘熱大汗脛膝逆冷如冰忽忽氣逆欲
絕醫目睜無措乃延石頑診之六脈瀦數模糊次
驗脣舌俱色如汚泥而腫厚澤滑若係熱極似陰
必無溼滑之理若係寒犯三陰必無反厚之理惟

酒食內蘊。發醬色現有之。審其二便。調適胸腹。柔
和。決無實停胃府之理。證雖危疑。而懇致最切。以
脈合證。詢爲陰受熱鬱。今所最急者。恐其喘汗欲
脫。不獲已。以生脈六味合劑。庶幾金水相生。以救
肺腎之垂絕。進一服。神思稍安。自汗稍斂。再一服。
人事稍知。稀糜稍進。方能畧述從前所患之病。出
從前所用之方。猶未言及伏火砒也。見其舌沿稍
轉微紅。而氣微足。冷如故。於前方中益入桂心五
分。五味數粒。服後足稍溫。和氣稍接。續語稍有次。

方詳述伏火丹砂之誤。因以前方減去地黃桂心
五味。易入棗仁秋石。人中黃。消解丹砂之毒。三服
舌轉微紅。雖未鮮潔。而伏毒漸解。緣兩尺弦細。乃
去人中黃。仍用地黃以填補下元。數日之間。或去
人中黃。而用地黃。或去地黃。而用人中黃。隨脈證
而更迭出入。二味不兼用者。恐人中黃味甘戀膈。
截地黃之膩。不能速達下焦也。下元雖虧。調補藥
中。寧用鹿茸河車。不敢用桂附者。慮其鼓舞丹砂
之餘烈也。

急救治例

自縊

凡救自縊死者。急須按定其心。勿截繩。抱起徐徐解之。心下尚溫者。令人以口接氣入其腹內。無令氣泄。再令兩人吹其兩耳。半日許。縊者噫噫。即勿吹也。

熱暈

取道上熱土。壅心中。少冷。即易氣通止。切勿與水得冷。即死。餘見暑門。

溺水

以竈灰布地令厚半尺許。以甕或木甕將溺死人伏
卧其上使頭小垂下。炒鹽二方寸匙內竹管中吹下
孔中當吐水。水下去甕下溺死者著煖灰壅身使出
鼻口卽活。如灰澤煖灰易之又法。但埋溺死者於煖
灰中頭足俱掩。惟開七孔。又法。屈兩脚。署生人肩。上
以背向背。負持。走。行。吐出水。便活。又冬月溺水凍死
以煖灰囊薄心上。冷卽易之。心煖氣通。日轉日開。可
與溫飲。稍稍吞之。若不先溫。其心便持火。烘冷氣與
火爭。卽死。

凍死

令人以熱物偎卧。煖被。復之。勿著火烘。卽死。卒中寒。肢體厥冷。四逆理中散之。

火燒

凡火燒損。慎勿以冷水澆之。得冷火毒更深入骨。初被火傷。急向火更炙。雖大痛。忍之。須臾乃止。火燒悶絕。不識人。以尿乘熱飲之。和蜜亦佳。口噤。按開與之。後用梔子白。蘇黃芩各五兩。以水五升。油一合煎去滓。待微溫。令漬傷處。去火毒。則肌得寬。或急以火酒。

浸之其痛立止。醇酒亦佳。一切火燒湯潑。用龜甲燒
灰研極細。羅淨香油調。傅其痛亦止。或用水中溺死
鼠一枚。以臘月猪膏煎令消盡。傅之。乾卽再傅。與酒
浸小鼠無異。或栢白皮細切。以猪膏煎四五沸。色變
去滓。傅之。若以成爛瘡者。末楊梅皮。糝之。卽瘥。○湯
火所損。晝夜啼呼不止。用松脂細研。和蠟熔化。再加
猪膏半脂塗之。○金瘡。前頭在肉中。用白欬生半夏
爲散。酒下方寸匙。日二服。瘡淺十日。出瘡深二十日
出外。以燒蠟生搗塗患上。如無燒蠟。以桑葉搗塗。箭

簇上卽出。不出。搗鼠肝。塗之。○中射引箭。盡昏迷。師
疼。取藍子五合。升麻五。不留行甘草各三兩。爲散水。
服三方寸匙。日三夜二服。又以水和塗瘡。乾卽易之。
鍼折肉中。以吸鐵石生。搗細末。厚著鍼處。卽出。或刺
象牙屑爲細末。水和塗。折鍼上亦出。
漆瘡。以柳葉搗爛。煮汁。過寒溫洗之。

蛇蝨毒

乘涼睡熟。蛇入人口。并七孔者。割猪尾血。以器盛血。
傍蛇瀉入口中。出之。卒爲蛇繞不解。以熱湯淋之。急

迫無湯。令人以尿澀之。蛇蝎螫痛。小蒜搗爛絞汁服之。以滓薄傷處。又方以雄黃爲末。傅上日一易之。又方搗生豆葉絞汁服之。以滓塗之。良。○入山辟衆蛇。乾薑麝香雄黃爲末。以小絳囊盛。帶之。蛇螫以蜜和塗傷處。又常燒殺羊角。使烟出。卽去。虎狼皆去。如無殺羊角。燒水羊角亦可。○蠮螋蟲尿。著人便。起痔瘻。作聚四邊。中央有白膿。如黍粟。初得之。磨犀角水塗之。或羊鬚燒灰。臘月猪脂和封之。或酥和胡粉塗之。

犬傷

凡犬咬人七日輒應一發三七日不發腹中不作
小犬吠聲則無害要過百日乃得免終身禁食犬肉
蠶蛹食此則發瘡未愈時禁食生魚及諸肥膩冷食
又不宜飲酒禁一年乃佳治法先以熱童便洗去惡
血牙堊便解被傷處看有紅者拔去之卽以髮灰和
皮灰水和服之并以韭搗絞汁飲一升日三瘡愈止
外以杏仁五合熬令黑研爛成膏敷之